

NY FEON' NY FAMANTARANA

 Hitohy mitsangana fotoana fohy fotsiny isika eo amin'ny fanatrehan'ny Tompo. Ndao isika hamaky avy ao amin'ny Teniny, ao amin'ny Eksodosy, ny toko faha-4.

...*Namaly Mosesy ka nanao hoe, Fa, indro, tsy hino ahy izy, na hihaino ny feoko: fa hanao izy ireo hoe, Ny TOMPO tsy niseho teo aminao.*

Ary hoy ny TOMPO taminy, Inona iny an-tànanao?... hoy izy hoe, Tehina.

Ary hoy izy hoe, Atsipazo amin'ny tany iny. Dia natsipiny tamin'ny tany, ka tonga menarana izany; ary nandositra azy i Mosesy.

Ary hoy ny TOMPO tamin'i Mosesy, Ahinjiro ny tànanao, ka raiso amin'ny rambony io. Dia nahinjiny ny tànany, ka noraisiny izy, ary tonga tehina teny an-tànany:

Mba hinoan'izy ireo fa ny TOMPO Andriamaniry ny razany, ny Andriamanitr'i Abrahama, ny Andriamanitr'i Isaka, ary ny Andriamanitr'i Jakoba, no niseho taminao.

Ary ny TOMPO mbola nanao taminy hoe, Atsofohy ao amin'ny tratra ny tànanao ankehitriny. Dia natsofony tao an-tratrany ny tànany: ary rehefa avy notsoahany izany, indro, lasa boka toy ny orampanala izany.

Ary hoy izy, Atsofohy ao amin'ny tratra indray ny tànanao. Dia natsofony tao an-tratrany indray ny tànany; ary navoakany avy tao an-tratrany izany, ka, indro, tonga tahaka ny hodiny indray izany.

Ary izao no hiseho, raha tsy hino anao izy ireo, na tsy hihaino ny feon'ny famantarana voalohany, dia hino ny feon'ny famantarana aoriana izy.

Ary izao no hiseho, raha tsy hino anao izy ireo, ireo famantarana roa, na tsy hihaino ny feonao, dia haka ny rano avy amin'ny renirano ianao, ka araraho eo amin'ny tany maina izany: ary izay rano alaina avy ao amin'ny renirano dia ho tonga rà eo amin'ny... tany maina.

² Ndao isika hanondrika ny lohantsika hivavaka. Ankehitriny manana fangatahana anankiray ve ianareo, amin'ity hariva ity, izay tianareo amarahafantarina ny Tompo, atsangàno fotsiny ny tànanareo dia lazao hoe, "Tompo, tsarovy aho ankehitriny. Manana ilaina aho."

³ Rainay An-danitra, manatona Anao indray izahay izao hariva izao, mahafantatra fa raha manondrika ny lohanay amin'ny tany izay nihavianay izahay, ka, raha mbola ho ela Ianao, dia hiverina amin'ny vovoka izahay. Saingy miaraka amin'ny fanantenana voatahy an'ny teny fikasana izay ao amin'i Kristy, fa ny rehetra izay ao amin'Andriamanitra dia ho entin'i Kristy miaraka Aminy. Izahay—izahay dia misaotra Anao amin'izany teny fikasana lehibe izany. Ary mivavaka aho, Andriamanitra, mba ho Tsarovanao ny tsirairay amin'izy ireo izay manangana ny tànany, ny ahy koa, Tompo.

⁴ Mivavaka aho, izao hariva izao, fa ao anatin'izao fiafaran'ny oran'ny finoana izao, mba Homenao ny olona izany finoana izany izao hariva izao, mba ho tena zava-misy amin'ny tsirairay avy aminay ny Tompo Jesosy, ka tsy hisy olona osa eo anivonay aorian'izao hariva izao. Aoka ny mpanota rehetra hahafantatra fa eo amin'ny Fanatrehan'ny Tompo Jesosy izy, ka dia hibebaka amin'ny fahotany, ary hanome Anao ny fony, ka ho fenoina ny Fanahy; ao amin'izao ora ratsy izao, raha mahita izany tahaka ny aloka makadiry anankiray mikisaka eo ambonin'ny tany izahay.

⁵ Mivavaka izahay, Andriamanitra, ho an'ny fitarihan'Andriamanitra, izao hariva izao, ho an'ny fitenenana sy ho an'ny fandrenesana. Enga anie ny Fanahy Masina handray ny fivoriana ankehitriny ka hamaky ny Mofon'Aina amin'ny tsirairay avy aminay arak'izay ilainay, fa mangataka izany amin'ny Anarany izahay. Amena.

Afaka mipetraka ianareo.

⁶ Matoky aho fa izao hariva izao isika dia afaka hanatanteraka an'izay ezahantsika hitarihina ny olona hahita, ny—ny tena fision'ny fananana finoana an'Andriamanitra.

⁷ Ankehitriny, rahampitso tolakandro amin'ny roa sy sasany, ireo rehetra manana karatra fangataham-bavaka dia hivavahana. Ary mba hananana antoka fa tsy nisy olona adino, miaraka amin'ny karatra fangataham-bavaka, dia isan-kariva izahay no hizara karatra vitsivitsy. Ary mbola hizara an'izany indray izy rahampitso, eo amin'ny... Ataoko fa, telopolo amby zato na zavatra tahaka izany, alohan'ny hanombohan'ny fivoriana mihitsy. Ary izay rehetra maniry hivavahana, ny tsirairay amin'ireo malalanareo, aoka izy ireo ho tonga ka haka ny karatra fangataham-bavaka. Azo antoka fa izy ireo dia tsy—tsy hisalasala amin'ny karatra fangataham-bavaka. Ary isika dia hanao...

⁸ Hivavaka ho an'ny olona aho, amin'ny fametrahan-tànana eo amin'izy ireo ary hivavaka ho azy ireo. Ankehitriny raha tsy mety tafakatra eo amin'ny Fanatrehan'ny Tompo Jesosy ny finoanareo ka handray Azy ho mpanasitrana anareo, nefo mino ianareo fa raha hivavaka izahay ka hametra-tànana eo aminareo, dia izany

no hanampy, eny, azo antoka fa eto izahay hanao izay zavatra irinareo.

⁹ Ny antony ametrahako azy maharitra, ela, mijery ny tsirairay arak'izay tratrako, dia izany no hahafahana mahatratra sy mahazo an'Andriamanitra eo amin'ireo fototra ireo. Ary tsy manana betsaka isika. Misy... Tsy lehibe ny trano, ary noho izany dia tsy manana olona betsaka isika. Ary afaka maka isika rahampitso tolakandro ka hivavaka ho an'izay rehetra ananantsika eto, apetratsika ho an'izany fikasana izany ny tolakandro, ho an'ny vavaka ho an'ny marary.

¹⁰ Ary eto izahay mba hanao zavatra izay afaka hanampy anareo hahatonga ny fiainana ho tsaratsara kely kokoa ho anareo, hanamaivana ny entana, amin'izao dia izay izorantsika izao.

¹¹ Ary koa isaky ny fotoana, izay hahatsapan'ny tsirairay fa-fa maniry ny hanatona ny Tompo Jesosy izy ireo, tsy mampaninona izay karazam-pivoriany misy, dia tongava avy hatrany ianareo. Aza miandry ny fanaovana ny antso eny amin'ny alitara. Aza miandry ny omena fanasana. Tongava avy hatrany ianareo, maneke an'i Kristy, ary miakara avy hatrany ka tonga dia ambarao Aminy. Fa izany no tanjona fototry ny maha-eto antsika, dia ny mahita fanahy nateraka ao amin'ny Fanjakan'Andriamanitra.

¹² Ary ankehitriny, Alahady rahampitso, ka dia hisy ny sekoly Alahady, ny fiangonana. Ny antony anaovantsika ny favoriantsika ny tolakandro, ny Alahady, dia noho isika tsy te-hanapaka favoriana mihitsy. Mino isika fa ny Kristiana tsirairay dia tokony hanana ny-ny fiangonany izay handehanany. Ny Kristiana tsirairay dia tokony hihaona amin'ireo mpino any ho any. Ary na aiza na aiza hihaonanareo, dia izany no fiangonana.

¹³ Ankehitriny, raha mipetraka eto aho, dia ho isan'ny iray amin'ireo fiangonana eto ireo aho, izay ireto pasitera eto ireto, izay miara-miasa, no solontena. Nahoana? Satria mipetraka eto ambony lampihazo eto izy ireo, mba ho hitan'ny olona rehetra, fa manaiky izay hatao eto izy ireo. Mino an'ity karazan'asam-panompoana ity izy ireo, Fanasitranana avy amin'Andriamanitra, ny Batisan'ny Fanahy Masina, sy ny sisa. Eto izy ireo mba hijoro vavolombelona ny amin'izany. Izy ireo no anisan'ny nanasa ahy ho tonga eto, ka angamba ilay asam-panompoana izay nomen'ny Tompo ahy no mety hanampy ny fiangonan'izy ireo.

¹⁴ Ankehitriny izany no tena pasitera, dia izay mikatsaka ny tombon-tsoa ara-panahy rehetra arak'izay azony atao, amin'ny zavatra rehetra dia zava-misy anankiray Andriamanitra, mba hiezahany amin'izay tratrany hanampiana ny fiangonany hamindra ho an'Andriamanitra. Ary azo antoka fa hanala ny satroko ho an'ny pasitera toy izany aho ho fankasitrahana.

¹⁵ Ary ireto lehilahy ireto dia tsy maintsy hanao izany amin'ny fahasarotana, ihany koa. Afaka mino izany ho marina ianareo. Tsy maintsy hanao izany amin'ny fahasarotana izy ireo. Ary izaho—izaho dia tena mankositraka tokoa ny lehilahin'Andriamanitra malaza tahaka izany, izay manaiky haka ny toerany sy ny toeran'andraikiny eo ambonin'ny faharesen-dahany, ary—ary mino. Hitahy azy ireo hatrany anie Andriamanitra!

¹⁶ Ary azoko antoka fa hanao izay hahatsara anareo izy ireo. Ankehitriny, raha vahiny ianareo no eto, dia tadiavo hoe aiza no misy ny fiangonan'ireto rahalahy ireto, aiza no misy azy ireo. Vangio izy ireo rahampitso. Hanana fivoriana manokana izy ireo, ary misy mpitoriteny eto izay hiresaka any amin'ny fiangonana samihafa, ary araka ny efa nolazaina. Noho izany dia tongava any amin'izy ireo rahampitso.

¹⁷ Ary avy eo rahampitso tolakandro, raha tianareo ny ho avy aorian'ny famaranana ny fivoriana, dia ho faly tokoa izahay ny hanana anareo. Ny fiangonana rehetra, ny anaram-piangonana rehetra, ho an'ny rehetra izany. Ny rehetra dia tongasoa; Metodista, Batista, Presbyterana, Pentekotista, fiangonan'i Kristy, fiangonan'Andriamanitra, Katolika, Jiosy Ortodoksa, atheist, na inona na inona ianareo. Izahay dia...Asaina ianareo.

“Hoy ianareo hoe, ‘Atheista?’” Eny, tompoko.

¹⁸ Raha misy atheist anankiray tonga ao amin'ny fivoriana ka mipetraka ary manao tsara ho an'ny tenany, dia tongasoa fotsiny izy tahaka ny olon-kafa rehetra. Eny àry. Zavatra anankiray, izany no ilàntsika azy ho eto, mba hisy zavatra ho vita izay hanampy azy hahitany ny fahadisoany, ka hanatonany ny Tompo. Satria isika...Izany tokoa.

¹⁹ Firy no mba efa namaky an'ilay fahitana kely izay navoakan'ny magazin'ny Christian Business Men, ary mino aho fa zavatra kely maga-..., ny, *Mijery Ny Any Ankoatry Ny Lambaben'Ny Fotoana?* Ankehitriny marina izany, ry sakaiza. Tsy ho vitanareo ny ho diso an'izany. Izaho—izaho dia lasa olona hafa hatramin'io. Fantatro fa tena misy izany, koa izaho—izaho—izaho dia matoky fotsiny fa tsy misy aminareo ho diso an'io Lanitra lehibe io izay ataon'Andriamanitra ho an'ny mpino. Raha manao izany ianareo, dia inona no vitanareo tety ambony tany tety? Satria, tsy fantatrareo hoe fotoana firy sisa no tsy maintsy handaozanareo an'ity izao tontolo izao ity. Fa zavatra tokana no fantatrareo, azo antoka fa tsy maintsy hilaozanareo izy io. Koa raha marina izany, dia tsy ho tena faran'izay adala ve isika raha mbola hiezaka ny—ny hanao fotsiny toy...Tsy ho vitantsika ny haka karazam-bintana anankiray. Hitanareo, tsarovy fotsiny, minoa ny Tenin'Andriamanitra sy ny teny fikasana tsirairay ao Aminy.

²⁰ Eritrereto fotsiny, inona no nahatonga ny aretina rehetra, ny aretim-po rehetra, ny fahafatesana rehetra, ny olana rehetra, ny alahelo rehetra, io zaza kely malemy io, ireo zavatra rehetra ireo, mandringa, jamba, ny hopitaly rehetra naorina? Satria olona anankiray fotsiny no tsy nino ny ampahany kely anankiray an'ny Teny. Eva izany. Satana fotsiny no nanarona an'izany taminy. Tsy nanonona, fa nanarona an'izany taminy, nanao hoe, “Azo antoka... Tsara fanahy loatra ny Tompo.”

²¹ Mandre betsaka ianareo ankehitriny mikasika ny aminy, Andriamanitra dia Andriamanitra tsara fanahy. Andriamanitra tsara fanahy Izy, saingy tsarovy fa Andriamaniry ny fahamasinana Izy, Andriamanitra anankiray izay tsy mandefitra amin'ny ota. Voaloa ny sazy tamin'izany, ary tsy maintsy manaiky an'izany ianareo eo amin'ny Taniny. Ary tsarovy, Andriamaniry ny fahatezerana Izy, Andriamaniry ny fahavinirana. Ary hitsangana eo anoloan'ny Andriamaniry ny fahatezerana anankiray ianareo, tsy Andriamaniry ny fahatsorana sy famindrampo fotsiny. Izao hariva izao dia Mpamonjinareo Izy; amin'io Andro io dia ho Mpitsaranareo Izy.

²² Koa aoka hanana antoka fa tsy mamela zavatra anankiray tsy vita ianareo, ry sakaiza. Izany—izany dia tsy ho... Tsy voaonitra izany. Aza—aza manao an'ilay izy anjoanjo fotsiny. Aoka hanana antoka, antoka indroa, satria tsy hanana anjara hafa intsony ianareo. Izao no anjara tokana ho anareo, dieny mbola ety ambony tany ianareo.

²³ Tsarovy ilay lehilahy mpanan-karena sy Lazarosy, nisy tevana lehibe manelanelana anareo sy Izy, ka tsy nisy olona afaka niampita mihitsy, na hiampita mihitsy. Hitanareo? Ianareo rehefa—ianareo rehefa maty, dia vita hatreo. Fantattro fa ny olona dia milaza fa mivavaka ho anareo izy hanala anareo amin'izany toerana izany, saingy aza mino an'izany mihitsy ianareo. Mifanohitra amin'ny Tenin'Andriamanitra izany. Hitanareo? “Any amin’izay ianjeran’ny hazo, dia any koa no handriany.” Ary Jesosy nilaza, Izy Tenany, fa, “Nisy tevana anankiray, izay, rehefa maty ny olona ka nankany amin’ny helo, dia tsy afaka (mihitsy) ny ho tonga any An-danitra izy. Tsy nisy olona afaka niampita an'izany, ary tsy hisy mihitsy.” Vita hatreo io, raha araka ny fantattro. Rehefa Jesosy no niteny fa izany io, dia izay ny amin’io.

²⁴ Koa tsarovy fotsiny, ankehitriny no anjaranareo, ary izao hariva izao no mety ho fanararaotanareo farany.

²⁵ Ho vitanareo ve ny hihazona izay hiseho? Raha mba afaka mijery fotsiny mantsy ianareo! Manantena aho fa tsy hihevitra ianareo raha miteny tahaka an'izany, fa hoe mitady hitarika anareo hijery olona anankiray aho, na hino olona anankiray. Tsy manao an'izany aho, ry sakaiza. Miezaka aho ny hanao anareo hino hoe Iza io idirantsika amin'ny Fanatrehana io

ankehitriny. Jesosy Kristy, ilay tena Andriamanitra izay hitsara anareo amin'io Andro io, dia manondro ny Tenany eo amin'ny fanatrehanareo, ilay tena zavatra izay Nampanantenainy fa Hataony amin'izao andro farany izao.

²⁶ Ataoko fa Rahalahy Price, aninkeo maraina tamin'ny fisakafoana, no nanome karazana sary tsara an'ilay hoe tonga teo amin'ny zoron-dàlana, avy eo tsy maintsy mihodina an'ilay zoron-dàlana. Nahafaly anareo ve izany? [Hoy ny fiangonana hoe, "Amena."—Mpand.] Izany tokoa. Izany dia tena, tena voapetraka tsara.

²⁷ Ankehitriny, dia tsarovy, indraindray eny an-jorony, saingy aoka isika hahatsiaro fa tsy maintsy mihodina an'ireny zoron-dàlana ireny isika. Nitory ny amin'izany aho, indray andro, ary niantso an'izany hoe, *Fihaonan-dàlana*. Midona amin'ny fihaonan-dàlana anankiray isika, ka matetika, dia tsy mandeha amin'ity lâlana ity ka mihodina amin'ny lâlana samihafa:

²⁸ Ankehitriny izao hariva izao, mandritry ny minitra vitsy manaraka, dia te-haka aho ny loha-hevitra hoe—hoe: *Ny Feon'Ny Famantarana*. Ary ankehitriny misokatra ny tantarantsika, izao hariva izao, ao amin'ny Bokin'ny Eksodosy, ary ny *eksodosy* dia midika hoe "mivoaka; entina mivoaka." Ankehitriny miezaha mihaino tsara arak'izay azonareo atao.

²⁹ Tiako ny hitory aminareo indray andro, tena mpihaino mahafinaritra ianareo, saingy tsy manana feo fotsiny aho. Misy fahavoazana kely fotsiny ao amin'izany, ary fantatro hoe ho lasa inona izy io. Tsy maintsy miala sasatra kely aho ankehitriny, mandritry ny valo na folo andro, alohan'ny hanombohako ny favoriana manaraka. Hitanareo, ilay izy dia tsy ity favoriana iray eto ity fotsiny. Ilay izy dia favoriana isan'andro, isan-kerinandro, isam-bolana, isan-taona, hitanareo, ary azonareo eritreretina.

³⁰ Ary eritrereto mandritry ny andro, isan-taona, dia tsy nisy mihitsy fotoana iray mba Nilazany zavatra ka tsy tena tanteraka mihitsy, tena ny marina mihitsy; tamin'ny fiteny rehetra, manodidina an'izao tontolo izao, im-pito. Hitanareo? Tsy misy olona, na aiza na aiza, afaka milaza fa tsy tena tanteraka ilay izy, hatramin'ny teboka mihitsy, isan'andro. Rehefa miteny Izy fa hisy zavatra anankiray hiseho, dia tena niseho tanteraka arak'izay ilay izy, Lazaike mandritry ny herinandro sy volana maromaro ilay izy, ary taona, eny fa, mialohan'ny hisehoan'ilay izy aza, dia tena hatramin'ny teboka tanteraka foana izany. Tsy nisy mihitsy andro iray ka diso, ary tsy hisy mihitsy izany, satria Andriamanitra izany. Ankehitriny, izaho mety diso, amin'ny maha-olona. Aza mijery ahy ho ohatra anankiray mihitsy, satria izaho—izaho dia toa anareo fotsiny, mpanota anankiray fotsiny novonjena tamin'ny fahasoavana. Fa Andriamanitra izany, ilay ivelan'ny voajanahary, hitanareo, manondro ny Tenany. Tsy

tokony hanao an'Izany Izy, saingy Izy no nampanantena fa hataony izany.

³¹ Nanasitrana Jesosy satria izany no manatanteraka ny Teny. Nanao ireny zavatra ireny Izy satria izany no hahatanteraka ny Tenin'Andriamanitra.

³² Ho an'izany no Anaovany an'io ankehitriny, mba ho tanteraka ny Teny, izay notononiko taminareo, isan-kariva.

³³ Koa mariho àry rehefa manakaiky ny Fanatrehany, Io, azo antoka fa mitondra fihetseham-po Io. Tahaka ny nolazaiko aninkeo maraina, "Ny zavatra rehetra tsy misy fihetseham-po dia maty." Ary ny fivavahana rehetra izay tsy nanana fihetseham-po tamin'ilay izy, dia tsaratsara kokoa alevinareeo izany, maty izany. Mitondra fihetseham-po Izany. Mamelona antsika Izy. Fa rehefa velomina isika, dia aoka ho tsaroantsika Ilay mameleona antsika. Inona no nataony? Ny Fanatrehan'ny Fanahy Masina izany, Jesosy Kristy eo afovoantsika, maneho ny Tenany amintsika fa velona Izy. Tsy vatana ara-nofo anankiray; amin'izany fotoana izany rehefa, miverina avy any An-danitra ilay vatana ara-nofo, dia tsy hisy andro intsony. Izay ny amin'io. Ary fantatsika fa ao amin'izany isika, miaina amin'ny andro farany, rehefa miseho ireo zavatra ireo.

Ankehitriny, Andriamanitra dia nanana eksodosy taloha. Misy...

³⁴ Ny zavatra rehetra dia mandalo ao anatin'ny telo, miaraka amin'Andriamanitra. Andriamanitra dia tanteraka ao amin'ny telo. Fihavian'i Kristy voalohany, mba hanavotra ny Ampakariny; fihavian'i Kristy faharoa, mba handray ny Ampakariny; fihavian'i Kristy fahatelo, miaraka amin'ny Ampakariny, mba hanjaka ao amin'ny Fanjakana Arivo Taona. Ny zavatra rehetra dia mandeha ao anatin'ny telo.

³⁵ Ankehitriny, nisy, hisy, eksodosy telo. Ny iray amin'izy ireo, Andriamanitra nitondra azy ireo *niditra* tao anatin'ilay fiara, ho an'ny eksodosy anankiray, dia anankiray ambonin'ny tany. Ny fotoana manaraka, Andriamanitra nitondra azy ireo *nivoaka* ny—ny Egypta. Ary ny fotoana manaraka, Andriamanitra naka azy ireo *niakatra*. Niditra, nivoaka, niakatra! Ny eksodosy manaraka dia ny fiakarana. Manatrika ny anankiray isika ankehitriny, ny fotoan'ny fiakarana.

³⁶ Tahaka ny zavatra anankiray ataon'ny aina. *Miditra* ao anatin'ny aina isika, *mivoaka* avy ao amin'ny aina, *miakatra* ho amin'ny aina, tena zavatra mitovy mihitsy. Noho izany isika dia...

³⁷ Ny tantarantsika dia misokatra amin'ny eksodosy, ary Andriamanitra efa niteny fa haka ny Fireneny.

³⁸ Isiraelly dia firenena anankiray. Tsy mifampiraharaha amin'ny Isiraelly isam-batan'olona Andriamanitra. Isiraelly

dia firenena anankiray, izany foana no nifampiraharahany taminy. Ary amin'ny andro farany, aorian'ny—ny fahalasanan'ny fiangonana, amin'izay Andriamanitra vao hamonjy ny Isiraelly amin'ny maha-firenena azy. Ao amin'ny taniny izy io ankehitriny, vonona ho amin'izany. Ary ho vonjena izy ireo, hoy ny Baiboly hoe, “Hisy firenena iray hateraka ao anatin'ny andro iray.” Tsy mifampiraharaha amin'ny Jiosy isambatan’olona Andriamanitra. Mifampiraharaha amin’izy ireo Izy amin'ny maha-firenena anankiray azy, Isiraelly, hatrany, satria Fireneny io.

³⁹ Ary eto Izy dia niteny fa hitondra ny Fireneny hivoaka ny firenena anankiray, ao anatin'ny eksodosy anankiray, hitondra ny Olony hiala amin'ny fitsarana anankiray.

⁴⁰ Ary ilay tena rano izay nanafotra ny tany mihitsy, no namonjy an'i Noa. Hitanareo? Ary ilay tena Fanahy Masina, izay lavin'ny olona ankehitriny, no handray ny Fiagonana ka hitondra Azy hiakatra, ary hitondra ny fitsarana eo amin'ireo tsy nino Azy. Hoy Jesosy.

⁴¹ Rehefa nantsoin’izy ireo Izy hoe, “Belzeboba,” amin’ny teny hafa dia, “Mpanao fankatoavana iray Izy.” Izy ireo . . .

⁴² Hoy Izy hoe, “Hamelia anareo Aho ny amin’izany,” ilay Zanak’olona. Tsy natao ilay fanatitra. “Fa rehefa tonga ny Fanahy Masina ka hanao an’ireo zavatra ireo ihany, ny teny anankiray manohitra an’Izany dia tsy ho avela mihitsy na eto amin’izao fiainana izao na amin’ny fiainana ho avy.” Tsy maintsy ho lavina izy, ary dia ny fitsarana no hamely aorian’izany. Hitanareo, ny olana dia isika . . .

⁴³ Tantara anankiray izay novakiako indray mandeha no mampahatsiah y ah, ny amin'ny tantsambo anankiray tonga avy any an-dranomasina, ary ilay—ilay poetry tanora Anglisy anankiray handeha ho any an-dranomasina. Ary dia nanoratra betsaka mikasika ny ranomasina ilay poetry, nefo tsy mbola nahita an’izany mihitsy izy, koa dia nandeha teo amin'ny lâlany izy. Ary nilaza taminy ilay tantsambo tranainy, niaraka tamin'ny pipa keliny teo amin'ny vavany, nanao hoe, “Ho aiza ianao, ry lehilahy tsarako?”

⁴⁴ Hoy izy hoe, “Handeha hidina any an-dranomasina aho.” Hoy izy hoe, “Tsy mbola nahita an’izany mihitsy aho. Nanoratra betsaka ny aminy aho, sy izay nolazain’ny sasany, saingy,” hoy izy, “oh, tena mientanentana be aho ny hahalala fa manakaiky ny ranomasina aho.” Hoy izy hoe, “Oh, hanimbolo ny ranony masira be! Hahita ny halehibeny, ny tampony fotsy mitresaka eo amin'ny tendrony, ary ny lanitra manga mitaratra eo aminy, ka mandre voron-dranomasina rehefa manidina eo amboniny, oh, mientanentana be aho mahita izany an’eritreritra!”

⁴⁵ Hoy ilay tantsambo tranainy hoe, “Teo aho no teraka, enim-polo taona lasa izay, tsy mbola nahita zavatra tsara tarehy

mikasika azy io aho.” Hitanareo, nahita betsaka ny amin’io izy hany ka efa lasa mahazatra azy izany.

⁴⁶ Ankehitriny izany no zavatra manjo ny fiangonana Pentekotista ankehitriny. Nahita betsaka ny amin’Andriamanitra izy io, hany ka laza mahazatra azy ireo Andriamanitra. Aza avela hanao an’izany mihitsy ilay izy!

⁴⁷ Teto vao tsy ela akory izay, tao Louisville, Kentucky. Izay nihaviako, Jeffersonville, Indiana, miala avy eo ampitan’ilay renirano no misy azy io. Nisy ramatoa iray niditra tao amin’ny tranombarotra tranainity be anankiray. Ary izy (dia) nanana zazakely anankiray teny an-tsandriny, ary dia lasa izy nankeny amin’ny fivarotana ary nanomboka taitaitra. Naka zavatra anankiray izy, nasehony an’ilay zazakely izany; nipetraka fotsiny izy dia nandinika. Nandeha teny amin’ny fivarotana hafa indray izy, ka naka zavatra anankiray naseho an’ilay zazakely; dia nandinika fotsiny. Ary nony afaka kelikely, dia naka lakolosy kely anankiray izy ary nanomboka nanakorintsana an’ilay izy, ary ilay zazakely indray nandinika fotsiny. Dia nanomboka nikiakiaka izy, nakipilipiliny ny tànany. Ary dia njery azy ireo olona tao amin’ilay tranombarotra tranainity be, ka dia lasa nankeo aminy mba hahita hoe inona no tsy mety.

⁴⁸ Hoy izy hoe, “Izaho...Ny zanako kely,” hoy izy, “vao telo taona monja izy ity.” Ary hoy izy, “Izaho...Tampoka teo, teo amin’ny herintaona teo izay, mandray izy dia mipetraka fotsiny dia mandinika habakabaka.” Dia hoy izy, “Izaho—izaho nitondra azy tany amin’ny dokotera,” ary hoy izy, “ary ilay dokotera nanoratra karazam-panafody sy ny sisa.” Ary hoy izy, “Ary ilay dokotera nilaza tamiko, androany, fa mihevitra izy fa efa tsaratsara izy. Saingy,” hoy izy, “tsy tsaratsara akory izy.” Hoy izy, “Nahetsiketsiko teo anoloany daholo ny zavatra rehetra, izay mety hanintona ny zaza kely mitovy taona aminy, hifantoka. Ny zavatra rehetra izay mety hanintona ny zaza kely mitovy taona aminy, dia nahetsiketsiko teo anoloany, nefo dia mipetraka fotsiny izy dia mandinika habakabaka.” Hoy izy, “Tsy tsaratsara izy ity.”

⁴⁹ Izany dia zavatra mitovy amin’ny fiangonana Pentekotista. Nahetsiketsik’Andriamanitra ny fanomezam-pahasoavana rehetra, ao amin’ny Baiboly, teo anoloan’izy ireo, nefo izy ireo dia mbola mipetraka sy mandinika habakabaka, tahaka ny hoe zavatra ratsy fotsiny ilay izy. Fotoana hifohazan-tsika izao, ry sakaiza, mialohan’ny haha-tara loatra an’ilay izy. Tsarovy, tsy manetsiketsika an’ireo fanomezam-pahasoavana ireo Andriamanitra raha tsy efa manandrana misintona ny fifantohanareo Izy.

Namoaka firenena anankiray avy tao amin’ny firenena iray Andriamanitra.

⁵⁰ Tahaka an'izay Ataony ankehitriny fotsiny, mandeha mamoaka Ampakarina anankiray avy ao amin'ny fiangonana, mamela ny sisa nanamborana avy tao amin'ilay taranaky ny vehivavy. Ilay Voafidy dia ho entina mivoaka avy ao amin'ny fiangonana. Ilay fiangonana natoraly kosa dia hijanona eto ho ao amin'ny fahoriambe. Io *voafidy* io indray andro any dia antsoina hoe "ilay nofidiana, voafidy, ilay sisa nanamborana."

⁵¹ Ndao jerentsika hoe ahoana no Nanaovany azy tamin'izany, satria tsy manova ny Fombany amin'ny fanaovan-javatra mihitsy Izy. Manana fomba iray fanaovan-javatra Andriamanitra, ary izany no fomba Anaovany azy, ary izany no fomba marina, foana. Jereo hoe ahoana no Nanaovany azy, sy ilay fanao Nanaovany azy, ary avy eo dia hahazo topi-maso anankiray avy amin'izany isika.

⁵² Ankehitriny, izaho dia mpampitahy anankiray, izany tokoa. Tsy nianatra aho. Tsy maintsy mijery any aoriane aho ary mahita izay Nataony. Ary nampianarina isika fa, "Ny Testamenta Taloha dia aloky ny zavatra ho avy." Koa raha njery aho teto ka tsy nahita ny tànako mihitsy, dia njery ny aloky ny tànako aho, ka nanana rantsan-tànana dimy aho, dia hanana hevitra tsara aho hoe rehefa eto ny tànako, dia manana rantsan-tànana dimy aho. Koa izay niseho tamin'izy ireo dia ohatra ny amin'ny hoe ahoana no anaovan'Andriamanitra zavatra, ny fomba Anaovany azy ankehitriny.

⁵³ Ary izay fomba Anaovany azy, dia tsy miova amin'izany mihitsy Izy. Isan'andro, ao amin'ny Baiboly, dia tsy manova ny Fombany amin'ny fanaovana zavatra Izy. Mitovy foana hatrany, satria ny Fombany voalohany amin'ny fanaovana zavatra dia ilay fomba tanteraka. Satria, tsy afaka nanana fomba hafa Izy, satria tanteraka Izy, ary, Izy, ny Fombany rehetra dia tanteraka. Jereo hoe ahoana no Nanaovany azy.

⁵⁴ Mosesy dia nantsoina ary voatendry mialoha handray an'io asa io izay izy, izy no—izy no naka azy. Andriamanitra . . .

⁵⁵ Ankehitriny, mihevitra aho, raha havelanareo izao . . . Tsy milaza an'izao tsy am-piheverana aho. Milaza fotsiny aho, eto amin'ity lampihazo ity, izaho—izaho tsy mahalala na inona na inona ary tsy te-hahalala na inona na inona afatsy Andriamanitra. Ankehitriny, mihevitra aho fa nisy toerana nampifangaro an'ireo rahalahintsika ao amin'ny Fara-Orana, hitanareo, mametra-tànana eo amin'ny hafa izy ireo dia manao azy ireny ho mpaminany sy ny sisa. Ankehitriny, tsy ara-tSoratra izany. "Ny fanomezam-pahasoavana sy ny antso dia tsy misy hanenenana." Ianareo dia teraka arak'izay maha-izy anareo. Ianareo dia, tany am-piandohana, dia izay maha-izy anareo.

⁵⁶ Jereo ireo Fariseo tamin'ny andro taloha. Nanana hazavana kely izy ireo, satria izy ireo dia afaka . . . nanana ny lalàna, ary

niaina tamin'ny lalàna izy ireo, saingy tao anatin'ny fon'izy ireo larina tao dia maizina arak'izay tratra.

⁵⁷ Ary nisy vehivavy kely anankiray, mpijangajanga anankiray, ny tal—fainany taloha *teo* dia maizina arak'izay tratra, ratsy fitondran-tena izy, saingy tao anatin'ny fony tao kosa dia voatendry mialoha ho amin'ny Fiainana izy.

⁵⁸ Ary rehefa avy eo Jesosy, ilay Teny, dia tonga teo amin'ny sehatra, dia hoy ireo Fariseo ireo hoe, "Belzeboba io Lehilahy io." Inona no nataon'ilay izy? Nanamaizina an'ilay hazavana kely mba nananan'izy ireo izany.

⁵⁹ Hoy Jesosy hoe, "Ianareo dia avy amin'ny rainareo, ny devoly, ary ny asany no ataonareo."

⁶⁰ Saingy io bitika kely io, rehefa tonga io vehivavy maloto io, ka nahita ny Tenin'Andriamanitra izy, dia fantany Io. Tsy niaina tamin'Io izy, saingy fantany Io. Ary vantany vao niresaka taminy Io, dia hoy izy hoe, "Fantattro izao fa Mpaminany Ianao." Ary Izy... Hoy izy hoe, "Fantattro fa ny Mesia no hanao an'izao."

Dia hoy Izy hoe. "Izaho no Izy."

⁶¹ Inona no nataon'izany? Nanadio ny aizina izany ka nanao azy ho fotsy. Nahoana? Nisy voa anankiray nipetraka tao, voa anankiray voatendry mialoha izay tao amin'ny... Izany no fisainan'Andriamanitra talohan'ny fanorenana an'izao tontolo izao.

⁶² Endrika Fiainana Mandrakizay tokana ihany no misy. Raha manana ny Fiainana Mandrakizay ianareo, dia ianareo ihany mihitsy amin'izay fotoana izay no efa tao amin'ny fisainan'Andriamanitra talohan'ny namoronana an'izao tontolo izao. Toetra anankiray an'ny Fisainany ianareo, satria ny Mandrakizay dia tsy nisy fanombohana mihitsy na mety mifarana mihitsy. Ampahany iray amin'ny fananan'Andriamanitra ianareo, isan'andro. Manome taratra fotsiny izany. Maka endrika izany ankehitriny. Nanana sary anankiray hafa ho sasana izy ireo tamin'izany, ny fahafatesana izany, avy eo lasa tena izy ilay negatif, avy eo dia ao amin'ny Ampakarina sy miaraka amin'i Kristy ianareo, araka ny Fisainany. Tahaka ny lehilahy sy ny vadiny, ankehitriny, dia hitovy amin'izany koa (Andriamanitra) Kristy sy ny Fiangonana. Ankehitriny, ilay voafidy, nantsoina!

Mosesy dia teraka, "tena zanaka." Ny Baiboly no milaza an'izany.

⁶³ Ny iray amin'ireo mpaminany, Jeremia. Hoy Andriamanitra hoe, "Talohan'ny namoronana anao tao an-kibon'ny reninao aza, dia efa Notendreko ho mpaminany ho an'ny firenena ianao."

⁶⁴ Jaona Mpanao batisa, eny, voatondro ao amin'ny Soratra izy. Isaia, roa ambin'ny folo sy fiton-jato taona talohan'ny nahatongavany, dia nanao hoe, "Izy no feon'ny miantso mafy any

an-efitra, ‘Amboary ny lèlana’ny Tompo!’” Ary tokony ho efa-jato taona talohan’ny Fisehoany, mahita indray isika, an’i Malakia nanao hoe, “Indro Aho maniraka ny Irako eo Anatrehako, mba hanamboatra ny lèlana eo anoloan’ny Tompo.”

⁶⁵ Hitanareo, voatendry mialoha izy. Ary toy izany koa ireo mpiasan’Andriamanitra rehetra ireo, raha toa ka voantson’Andriamanitra izy ireo.

⁶⁶ Raha nampianarina tao anatin’io izy ireo, dia tafondro maina fotsiny izany, hitanareo, tsy ho lasa na inona na inona izany. Raha tapakilan-tsakafo anankiray ilay izy, dia mivarotra ny fizokianareo ho an’ny tapakilan-tsakafo izay ianareo, hanao marimaritra iraisana hiaraka amin’ny rafi-piagonana na vondrona anankiray ianareo. Fa raha avy amin’Andriamanitra kosa ilay izy, dia hijanona amin’izany Teny izany ianareo, na ahoana na ahoana, satria nateraka hijanona eo amin’izany ianareo.

⁶⁷ Mosesy, tsy nisy na iza na iza afaka naka ny toerany. Tsy nisy na iza na iza afaka nanao an’ilay asa. Izy no voatendry hanao an’ilay izy.

⁶⁸ Ary, rahalahy, ranabavy, raha manana ny Fiainana Mandrakizay ianareo, dia notendrena hanao zavatra anankiray ianareo. Angamba ho mpiikarakara tokan-trano tsara anankiray, angamba zavatra hafa, fa tsy misy olona afaka maka ny toeranareo. Nanamboatra toerana anankiray ho anareo Andriamanitra. Aza manandrana maka toeran’olon-kafa. Izany no fakàna tahaka ara-nofo, hitanareo, maneho fa misy zavatra tsy mety ao aminareo. Mijanona amin’ny maha-izy anareo, marina fotsiny. Aza lasa zavatra hafa.

⁶⁹ Ankehitriny, ankehitriny dia hitantsika fa Andriamanitra dia nanome an’i Mosesy an’ireo famantarana hanaporofoina an’ireo filazana sy fiantsoana.

⁷⁰ Ary ny famantarana marina tsirairay, ny famantarana marina tsirairay, izay nalefa avy tamin’Andriamanitra, ny... dia nanana feo taoriany. Ankehitriny aza diso. Ity no lesoko farany amin’ity, hitanareo. Ny famantarana marina tsirairay... Ankehitriny isika dia manana an’ireo famantarana izay tsy avy amin’Andriamanitra; Satana dia saiky mahay maka tahaka an’izay rehetra misy. Saingy ny famantarana marina kosa, nalefa avy tamin’Andriamanitra, dia manana ny feon’Andriamanitra aoriany.

⁷¹ Hoy Andriamanitra tamin’i Mosesy, “Raha tsy hino ny feon’ny famantarana voalohany izy ireo, dia ataovy eo anatrehan’izy ireo ity famantarana hafa ity. Ary raha tsy hihaino an’izany izy ireo, dia makà fotsiny rano ary araraho amin’ny tany izany.” Ary io ilay rano izay nanakotsa azy ireo hatrany amin’ny ràn’izy ireo teo.

⁷² Mariho, fa tena mitovy amin'ilay Nolazainy hoe, "Ahintsano ny vovoka amin'ny tongotrareo. Ho moramora kokoa ny ho amin'ny tany Sodoma sy Gomora, amin'izany andro izany, noho ny ho amin'izany tanàna izay tsy nandray anareeo izany."

⁷³ Ankehitriny tsy milalao Fiagonana isika. Ity dia Fiagonana. Kristy no ilay Fiagonana. Isika ao amin'i Kristy. Ilay Vatan'i Kristy mahagaga, Ao isika no teraka. Tsy azonareeo hikambanana Io.

⁷⁴ Niaraka tamin'ny fianakaviana Branham aho nandrity ny dimy amby dimampolo taona teo, ary tsy mbola nangataka tamiko mihitsy izy ireo hikambana amin'ilay fianakaviana. Teraka Branham aho.

⁷⁵ Ary toy izany koa ny fomba maha-Kristiana anankiray anareeo. Nateraka ho Kristiana anankiray ianareeo, fa tsy nikambana taminy. Tao amin'izany ianareeo no teraka. Ny olona rehetra dia matahotra fahaterahana. Manana karazana fomba madio tsara amin'ny fandraisan-tànana kely izy ireo, na manao Sonia karatra kely anankiray, na boatin-tsira anankiray misy rano kely ao anatiny. Tsy izany no fahaterahana. Ny fahaterahana dia zavatra mahatsiravina anankiray. Ny fahaterahana dia za—zavatra mampahatahotra anankiray. Tsy mampaninona ahy na any anaty valan-kisoa anankiray izany, na a—na tranom-biby, na efitry ny hopitaly anankiray voaravaka mavokely; ny fahaterahana dia fahalotoana anankiray, ary mamoaka ny fahalotoana avy ao aminareo izany. Tsy te-hiala ianareeo, tsy mila an'ity ianareeo, *itsy*, na ny *hafa*, fa ireo ranomaso no hanasa ny loko hiala amin'ny tavanareo ka hanao anareeo ho olona hafa anankiray. Raha nateraka indray ianareeo, dia hamoaka ny fahalotoana avy ao aminareo izany, saingy ho tonga olom-baovao anankiray kosa ianareeo. Hitanareo? Tsy mila an'izany izy ireo. Làlana mora no ilain'izy ireo, fantatrareo, nefá tsy misy làlana mora izany. Tahaka an'ilay hira, hoy izy ireo hoe, "Handeha amin'ny làlana miaraka amin'ny olom-bitsin'ny Tompo izay tsinotsinoavina aho." Tsy mila ny ho tonga zavamaniry anaty trano afanaina izy.

Ny famantarana marina tsirairay an'Andriamanitra dia arahin'ny feon'Andriamanitra.

⁷⁶ Ankehitriny raha misy olona anankiray manome famantarana eo amin'ny firenena iray, na oviana, ka ilay feo izay miteny aorian'izany dia tsy ilay feon'ny Tenin'Andriamanitra, dia diniho izany, aza mino an'izany. Raha misy fianarana tranainy anankiray, raha misy olona anankiray mitsangana ka milaza, mampiseho famantarana anankiray avy amin'Andriamanitra, kanefa ny fampianaran'ilay olona dia mbola ilay teolojia tranainy izay efa nanananareo nandrity ny taona maro ihany, dia tsy nandefa an'izany famantarana izany mihitsy Andriamanitra. Mitodiha amin'ny Soratra dia jereo raha

izany no izy. Zahao ny Soratra. Miverina ilay tovolahy, ka manao hoe, "Ankehitriny isika rehetra dia mila mikambana amin'ity. Raharaha anankiray efa voapetraka ela izy io." Aza mino an'izany ianareo. Hiditra eo amin'izany isika, afaka minitra vitsy fotsiny, hitanareo. Tsia, aza mino an'izany ianareo.

⁷⁷ Manamarina ny Famantarany foana Andriamanitra. Ny famantarana avy amin'Andriamanitra dia miteny foana ny Feon'Andriamanitra.

⁷⁸ Ary raha mbola ilay sekoly tranainity nanananareo ihany izany, nahoana Izy no hanome famantarana iray, ianareo aza efa ao anatin'ilay izy? Miezaka mitondra anareo ery amin'ilay zorondàlana Izy. Famantarana fijanonana! Moramora! Jereo izay alehanareo! Ianareo ihany no hampifandona ny tenanareo eo amin'ilay zoron-dàlana raha tsy mijery ianareo. Misy fiolahana tampoka anankiray, ary izany dia famantarana anankiray eo foana alohan'ny hihazoanareo an'io fiolahana io, mba hiaro anareo tsy ho potipotika. Ny mpanao lâlana tsara dia manome famantarana. Ary isika dia mizotra eo amin'ny lâlana anankiray ho any amin'ny Vonitorahitra. Ary raha milaza zavatra ratsy ilay famantarana, dia tsy avy tamin'Andriamanitra izy.

⁷⁹ Andriamanitra dia manome famantarana mba hisarihana ny sain'ny Olony. Ny famantarana dia natao hisarihana ny sain'ny olon'Andriamanitra, izany ireo famantaran'Andriamanitra. Ireo famantaran'Andriamanitra dia nomena mba hisarihana ny sain'ny olon'Andriamanitra.

⁸⁰ Ankehitriny teo dia ilay roimemy mirehitra no famantarana hisarihana an'ilay mpaminany, niezaka, satria nandositra an'Andriamanitra ilay mpaminany, ary Andriamanitra nanome ny roimemy mirehitra ho famantarana iray. Ary hitany io famantarana hafahafa io; hoy izy hoe, "Hivily kely aho hizaha hoe inona io famantarana hafahafa io, fa ny—ny roimemy dia mirehitra ary tsy levona." Ankehitriny dia misarika ny sain'ilay Mpaminaniny mpandositra Andriamanitra. Tsy afaka naka anankiray hafa Izy, satria izy no nanendry an'i Mosesy ho amin'io asa io ka tsy hisy olon-kafa haka ny toerany.

⁸¹ Teny am-pandehanana, dia nisy karazana hafa nanandrana nanao an'ilay izy, fantatrareo. Nitsangana i Datana ka te-hanao rafi-piagonana anankiray avy tamin'izany. Nilaza tamin'i Mosesy Andriamanitra hoe, "Mihataha ianao. Handringana azy ireo fotsiny Aho." Hitanareo?

⁸² Mifampirahahaha amin'ny isam-batan'olona Andriamanitra. Hitanareo? Ankehitriny mariho ity, niezaka ny hisarika ny sain'ilay mpaminany Izy, mba hametraka an'ilay mpaminany eo amin'ny tena toerany, hitanareo, ka nanome an'ilay roimemy mirehitra ho famantarana Izy.

⁸³ Ary, jereo, ilay feo izay nanaraka an'ilay famantarana dia feo ara-tSoratra. "Efa Reko ny tomanin'ny Oloko, ary

ireo fitarainany, noho ireo mpampiasa azy, ary Tsaroako ny Teny fikasako.” Amena. Vita hatreo izany. “Tsaroako ilay teny fikasana.” Feo ara-tSoratra izany. “Maniraka anao ho any Aho. Midina Aho izao hamonjy azy ireo, ary maniraka anao Aho.”

⁸⁴ Tsarovy, tsy manao na inona na inona afa-tsy amin’ny olombelona Andriamanitra. Fantatrareo ve izany? Izany no mahatonga ny olona ho tafintohina. Hitanareo?

⁸⁵ Izany no nahatafintohina azy ireo ny amin’i Jesosy. Hoy izy ireo hoe, “Olombelona Ianao, nefà manao ny tenanao ho Andriamanitra.” Andriamanitra Izy, saingy tsy azon’izy ireo izany. “Eny, Ianao, dia Olona anankiray fotsiny ihany.”

⁸⁶ Hoy Izy hoe, “Eny, ianareo miantso ny mpaminany hoe, ‘andriamanitra,’ ary manaiky an’izany ny lalànareo. Raha antsoinareo hoe ‘andriamanitra,’ ireo izay nahatongavan’ny Tenin’Andriamanitra, dia nahoana ianareo no manameloka Ahy raha milaza Aho fa Izaho no Zanak’Andriamanitra?”

⁸⁷ Hitanareo, ireo famantarana, hisarika ny saina. Ary, tsarovy, rehefa voasarika ny saina, ka mbola ilay tady tranainity ihany izany, dia tsy Andriamanitra izany.

⁸⁸ Fa miezaka misarika an’ilay mpaminany Andriamanitra ankehitriny, dia manome azy famantarana anankiray Izy, ary ilay feo izay nanaraka an’ilay famantarana dia feo ara-tSoratra. “Hitako ny olona. Henoko ny tomaniny. Tsaroako ny Teny fikasako.”

⁸⁹ Ankehitriny Andriamanitra dia hiteny amin’ny alàlan’ny Teniny nampanantenaina. Tsy maintsy maniraka ny Mpaminaniny Izy, satria ny Teny dia tonga amin’ny mpaminany. Ny Baiboly milaza, Andriamanitra milaza, Izy Tenany, fa, “Tsy manao na inona na inona Izy raha tsy Manambara amin’ny mpaminany Mpanompony aloha.” Hitanareo? Ary avy eo dia omena ilay famantarana. Ary voamarina ny Soratra, izany no Feon’ny famantarana.

⁹⁰ Hitanareo ve ilay Feon’ny famantarana, an’i Mosesy? Voalohany, ilay famantarana dia ny roimemys mirehitra; ny Feo dia ny Soratra.

⁹¹ Noraisin’i Mosesy ho Famantarany izany, ka nidina nankany Egypta ary nanao an’ilay famantarana izay nolazain’Andriamanitra taminy, ary ilay famantarana dia nanana feo tao aminy, ary nino ny olona ka avy izy ireo. Ary raha mbola nandeha foana izy ireo, dia nety tsara izy ireo; fa rehefa nanomboka nimonomonona nanohittra an’ilay feo kosa izy ireo, dia nianona izy ireo.

⁹² Tsarovy, nandeha ny Isirael. Fantatrareo ve ny halavirana rehetra nihaviany? Izy ireo tsy... Teo amin’ny efapolo maily fotsiny izy ireo, nefà teo amin’ny efapolo taona teo no nanaovany azy. Nahoana? Izany dia satria nanomboka nimonomonona

nanohitra an'ilay feo izay namokatra an'ilay famantarana izy ireo. Ahoana ny kely mba fantatr'izy ireo, rehefa nihiaka teo amin'ireo morony izy ireo tany, sy nandihy tao amin'ny Fanahy, ary nihira tao amin'ny Fanahy i Mosesy, andro vitsy fotsiny ihany no nananan'izy ireo an'izany. Fa nanomboka nimonomonona izy ireo, ary te-hanao zavatra hafa; ary nitoetra efapolo taona tany an-efitra izy ireo, ka maty tany, marina izany, satria tsy nino izy ireo. Hoy Andriamanitra hoe, "Tsy ianao no toherin'izy ireo, ry Mosesy. Izaho no toherin'izy ireo." Izany no feon'Andriamanitra, fa tsy Mosesy.

⁹³ Ankehitriny jereo, hiteny amin'ny Teny nampanantenainy Jehovah, ka dia tsy maintsy maniraka ny Mpaminaniny Izy. Izany, raha tianareo ho hita izany, dia ao amin'ny Genesisy 15:16. Hitantsika fa Andriamanitra dia niteny tamin'i Abrahama hoe, "Ny taranakao dia hivahiny any amin'ny tany tsy azy, ary Izaho no hitondra azy ireo hivoaka amin'ny tānana mahery anankiray. Tsy mbola tanteraka ny heloky ny Amorita." Ny Teny fikasany rehetra izay Nomeny, dia io Izy fa misarika an'ilay mpaminany, amin'ny alàlan'ny roimemy mirehitra.

⁹⁴ Ankehitriny raha niteny ilay roimemy mirehitra hoe, "Mosesy, Andriamanitra dia Andriamanitra."

"Hia, mino izany aho."

⁹⁵ "Oh, tsara ny nataonao, ry Mosesy, tazony fotsiny izany. Nanambady vehivavy tsara ianao; ankizivavy tsara tarehy izy. Azo antoka fa nahazo zanakalahy tsara izy! Voninahitra ho an'Andriamanitra!" Izany ilay sekoly tranainity. Hitanareo?

⁹⁶ Saingy efa vonona ny hanao zavatra Izy, noho izany dia tsy maintsy nisarika an'ilay lehilahy Izy. Ary Nomeny famantarana anankiroa hatao ilay lehilahy, ka nanao hoe, "Ny famantarana tsirairay dia manana feo." Izany no manaporofa fa izy izany. Ankehitriny jereo hoe inona no notenenin'ireo feo, famoronana mihtisy aza. Vonona ny hiteny Jehovah ankehitriny.

⁹⁷ Eo indray koa, ny fahatongavan'ny mpaminany anankiray dia famantarana iray. Efa fantatrareo ve izany? Ny fahatongavan'ny mpaminany anankiray, amin'ilay taona, dia famantarana iray.

⁹⁸ Ankehitriny, tsy Mpampianatra ny momba an'Andriamanitra anankiray no tiako ho lazaina. Tsy pasitera mahatoky anankiray no tiako ho lazaina, olona tsara fanahy anankiray. Tsara izy ireny. Mpanompon'Andriamanitra izy ireny.

⁹⁹ Saingy ny mpaminany anankiray dia famantarana iray. Milaza koa ny Baiboly eto. Ary inona ilay famantarana? Izany dia famantarana fa ny Teny dia miomana ny ho tanteraka, ho tanteraka amin'ny alàlan'ilay feon'ny famantaran'io mpaminany io.

¹⁰⁰ Mariho, ny fahatongavan'ny mpaminany anankiray dia famantarana fampitandremana anankiray an'ny fitsarana izay antomotra. Efa fantatrareo ve izany? Efa vonona ny hamely ny fitsarana raha vao misy mpaminany anankiray eo amin'ny tany.

¹⁰¹ Tsarovy, azo antoka fa izy dia, voalohany, ho hamarinin'Andriamanitra sy ny Teny ho an'izany andro izany, ary avy eo dia hanao ny famantarana izy. Ary noho izany dia jereo izany famantarana izany, inona no lazainy mialoha. Hoy izy hoe, "Raha izao no miseho, dia henoy izy." Nomery 12:6. "Raha tsy miseho io, dia adinoy izany." Tsy maintsy famantarana aratsoratra no Omeny.

¹⁰² Ary izay Nomeny ho famantarana, indray mandeha, raha Izy no tsy miova omaly, anio, ary mandrakizay, dia izany foana hatrany no Omeny. "Ny Tenin'ny Tompo dia tonga tamin'ny mpaminany." Izy ireo no Teny. Ary rehefa tonga Jesosy, dia Izy no Teny. Ary ny Teny dia mahafantatra ny fisainana sy ny fikasàn'ny fo, hatrany, sy ny sisa. Ankehitriny jereo.

¹⁰³ Ny fahatongavan'ity mpaminany ity, dia manome ny famantarana, ny, "antomotra ny fitsarana," foana.

¹⁰⁴ Ndao fotsiny isika hijanona minitra vitsy fotsiny. Tsy tehitazona ela loatra aho. Ndao isika hanamarina vitsivitsy fotsiny ankehitriny, mandritry ny folo minitra eo ho eo. Ary ny sisa amin'ny hafatra, raha ny marina, mandritry ny folo minitra.

¹⁰⁵ Noa, mpaminany anankiray teo amin'ny tany—tao amin'ny tany, famantarana anankiray ny amin'ny fahatongavan'ny fitsarana. Mosesy, mpaminany anankiray tao amin'ny tany, ilay famantarana ny amin'ny fahatongavan'ny fitsarana. Elia, mpaminany tao amin'ny tany, famantarana ny amin'ny fahatongavan'ny fitsarana. Jaona, mpaminany anankiray tao amin'ny tany, famantarana anankiray ny amin'ny fahatongavan'ny fitsarana an'Isirael; voajinja tanteraka izy ireo.

¹⁰⁶ Mariho, famantarana! Inona no ataon'ilay famantarana? Ny famantarana dia natao hisarika ny saina, ary manomana ny voafidy, sy ho afaka amin'ilay lèlana mialohan'ny hamelezan'ny fitsarana. Izany no nataon'i Noa, nanomana ny voafidy. Ny sisa tamin'izy ireo, dia inona no ataon? Ilay famantarana, sy ilay feon'ny famantarana, no manameloka ny tsy mino ary manomana azy no amin'ny fitsarana. Manomana ny voafidy ho amin'ny fandosirana izany. Izany ilay famantarana. Izany no nanomezana an'ilay famantarana, ho an'ilay fahatongavan'ny fitsarana. Ho an'ilay voafidy, dia hitany izany.

¹⁰⁷ Tahaka ny vehivavy kely anankiray manana fo madio, sy anankiray maloto vatana; ary ny Fariseo madio vatana, sy anankiray maloto fo. Manameloka ny iray izany, ary manavotra an'ilay iray hafa.

¹⁰⁸ Ary tena ireo fitsarana izay nanavotra an'i Mosesy mihitsy, no nanameloka an'izao tontolo izao; ny toriteniny.

¹⁰⁹ Manomana ny voafidy izany. Voaomana ho amin'ny inona ilay voafidy? Rehefa hitan'izy ireo ny famantarana anankiray nalefan'Andriamanitra, dia mijery ny ao amin'ny Soratra izy ireo ka mahita raha tena natao ho izany tokoa ny ao. "Hia, io izy io." Inona io? Fitsarana miandry. Noho izany dia mihaino an'ilay feo ny voafidy.

¹¹⁰ Fa ilay tsy voafidy kosa minia tsy mahalala, ka manao hoe, "Fahadalana. Mandehàna! Mbola ilay sekoly tranainy ihany no halainay." Hitانareo? Izany no fomba nataon'izy ireo tamin'ny andron'i Lotera. Izany no fomba nataon'izy ireo tamin'ny andron'i Wesley. Izany no fomba izay—izay ataon'izy ireo ankehitriny, ilay fomba izay nataony hatramin'izay.

¹¹¹ Fa famantarana ilay izy, ary manana feo anankiray izany izay manaraka an'ilay famantarana. Ary ilay feo dia voamarina ho feo ara-tSoratra anankiray. Ankehitriny aza adino izany. Ary ankehitriny hazony izao manaraka izao, satria mety tsy hahita anareeo intsony indray aho.

¹¹² Naniry aho ny hanana fomba iray izay hahafahako ho avy teto indray andro ary hahatratra an'ireo rahalahiko rehetra, raha mbola tsy nanana fifohazana nandroso izy ireo, nametraka trano-lay ary nipetraka fotsiny, isan'andro isan'andro, ary hampianatra an'ity mandra-paha—mandra-pahavonto an'izao tanteraka. Saingy tsy Navelany izany, tsy noeritreretiko. Hitانareo, tena akaikin'ny farany isika. Mino aho fa efa eo amin'ny farany mihitsy isika izao.

¹¹³ Ato amin'ity bokiko eto ity, izay nokajiako ho voasoratra eto. Tamin'ny 1933, indray maraina, niomana ny handeha ho any amin'ny sekoly Alahady, sekoly Alahady Batista anankiray izay izaho no pasitera, dia tonga ny Fanahy Masina ka naneho tamiko teo ny andro farany, ary naneho ahy zavatra fito izay hitranga. Nomarihako eto ambany eto izany. Eo amin'ny taratasy tranainy mavomavo izany.

¹¹⁴ Nilaza tamiko marina hoe ahoana no hanorenan'ny Alemana an'ilay Tsipika Siegfried, ary ahoana no hahazoan'ny Amerikana kapoka mafy amin'izany, iraika ambin'ny folo taona mialoha ny—ny nanorenana mihitsy an'ilay tsipika.

¹¹⁵ Nilaza hoe ahoana no hitsanganan'i Mussolini, ary ahoana no handehanany any Etiopia, ary ahoana i Etiopia rehetra ho "lavo eo amin'ny diany." Ary ho faty amin'ny fahamenarana lehibe izy io, avadika ambony ambany, ary handrora azy ny tena vahoakany.

¹¹⁶ Ary hoy aho hoe, "Hisy isma anankitelo; Kaominisma, Fasisma, ary Nazisma. Izy rehetra ireo dia hifarana ao amin'i Rosia, ao amin'ny Kaominisma." Ary izany no handrava ny Katolisima. Jereo raha tsy izany ilay izy!

¹¹⁷ Hoy aho hoe, "Hisy karazam-pandrosoana hiseho!" Hoy aho hoe, "Nahita fiara mitovy amin'ny atody aho, nandeha teny an-dalana. Nisy fiara nandeha teny amin'ny lalam-be, miaraka amin'ny karazana familiarana anankiray, tsy mila mpitondra azy izy ireo. Nahita fianakaviana Amerikana iray nilalao dama aho taorian'ny fiara iray." Ananan'izy ireo ilay fiara izao ankehitriny izao, raha toa ka manana an'ilay lalam-be hametrahana azy fotsiny izy ireo. Ny Volkswagen kely dia tena atody anankiray tanteraka, tena izany tokoa, fa ilay izy dia tena fiara hafa. Azonareo eritreretina ve, tamin'ny 1933, hoe toy ny inona ny fiara tamin'izany, ka hatramin'izao?

¹¹⁸ Ary mbola Nolazainy mialoha indray, fa, havela hifidy ny vehivavy, ary izany no hataon'izy ireo. Ary hoe ahoana ity firenena ity, ara-tandindona, tahaka an'Israely, rehefa niditra tao amin'ny tany ka nandroaka ny mponiny, ka nandova ny tany. Ary ireo mpanjaka kely voalohany nananan'izy ireo, Davida sy Solomona dia mpanjaka matahotra an'Andriamanitra. Afaka kelikely, dia nanana an'i Ahaba teo amin'ny sehatra izy ireo. Izy ireo no nifidy azy. Ilay sez a dia lasa... fiangonana lasa ara-materialy. Ary, isika dia nanana Lincoln anankiray sy Washington anankiray, jereo hoe inona izy io ankehitriny. Jereo hoe mandeha mankaiza isika ankehitriny. Aiza ny zavatra manaraka? Ao amin'ny andro farany isika.

¹¹⁹ Ary famantarana anankiray izany, ao amin'ny ara-nofo, tena marina izany. Manomana ny voafidy izany; ary manameloka, ho amin'ny fitsarana, ny tsy mino.

¹²⁰ "Raha tena mpaminany io mpaminany io, ka izay lazainy dia miseho," ny Baiboly no nilaza, ao amin'ny Nomery 12:6, "henoy ny fampitandremany, fa voamarina izany fa tsy ilay olona io." Ny-ny mpaminany dia olona anankiray. Fa ny feo avy amin'ilay famantarana ivelan'ny voajanahary kosa dia feo ara-tSoratra, voamarina izany, avy eo dia fampitandremana anankiray izany.

¹²¹ Ny Baiboly dia nosoratan'ireo mpaminany, tsarovy. Ao amin'ny Petera faharoa, ihany koa, 1:21. Ao amin'ny Hebreo 1:1, koa.

¹²² Ilay Andry Afo, tamin'i Mosesy, no famantarana, hiteny ilay feo. Ilay Andry Afo dia naneho fa hiteny ilay feo. Izany no famantarana, Andry Afo anankiray. Ianareo vahoaka dia tokony hahatsiaro ilay avy tany Houston, vao tsy ela akory izay.

¹²³ Mosesy, mpaminany anankiray, famantarana ho an'Israely, fa efa eo an-dalam-pahatantehana ilay teny fikasana. Rehefa nidina i Mosesy ka nanao an'ilay famantaran'ny mpaminany, dia fantatr'izy ireo avy hatrany tamin'izany fa hanangona azy ireo miaraka izy.

¹²⁴ Toy ny inona no maha-tanteraka ny Tenin'Andriamanitra milamina tsara, tsy miova isan'andro. Mitovy amin'izay

nolazaiko omaly hariva, hoe ahoana ilay Orima Tomina, sy ny zavatra rehetra, rehefa niandraiketan'Andriamanitra foana.

¹²⁵ Ndao isika haka mpaminany anankiray indray, vetivety fotsiny, Jona. Manana ny toko 1 an'ny Jona aho voasoratra eto ambany eto, toko 1 ny amin'ny faminaniany eto. Nivoaka avy tao amin'ny kibon'ny trozona i Jona, famantarana iray izany. Hitanareo, mpanompo sampy ireo olona tamin'izany. Nanompo ny andriamanitry ny ranomasina izy ireo, ary ny andriamanitra ranomasin'izy ireo dia trozona anankiray.

¹²⁶ Ankehitriny betsaka ny olona miezaka manameloka an'i Jona. Izaho dia nomba an'i Jona foana. Tsy tany ivelan'ny sitrapon'ny Tompo i Jona. "Ny Tompo no mahalavorary ny dian'ny marina." Isika dia te-hiteny hoe, "Io ilay Jona." Saingy ndao isika handray azy amin'ny... inona no mendrika, indray mandeha. Fantattro fa natao handeha ho any Ninive izy, saingy Andriamanitra no nanao azy haka an'ilay sambo mankany Tarsisy. Ary Izy no nanao ny olana ho tonga teo amin'ny ranomasina.

¹²⁷ Hoy Jona hoe, "Afatory ny tånako sy ny tongotro. Izaho no anisan'ny olana, isan'ny nahatonga an'io." Dia natsipin'izy ireo izy. Ary nisy hazandrano anankiray nilomano teo amin'ny rano, hazandrano lehibe anankiray izay nitelina an'i Jona. Fantattro fa sarotra ho an'ny siansa ny hino an'izany.

¹²⁸ Teto vao tsy ela akory izay, tao Louisville, Kentucky, teo amin'ny folo taona lasa teo, nanana tro—trozona anankiray izy ireo natory teo ambonin'ny—ny tranofiaranana anankiray. Ary nisy karazana Ricky kely anankiray teo, nanana fahalalana be loatra hany ka nahay hoe ahoana no hifehezan-tena. Niezaka izy hanao ny Baiboly hoe milaza lainga. Hoy izy hoe, "Fantatrareo, renareo ilay ohabolana tranainy Baiboly, hoe ny trozona no nitelina an'i Jona." Hoy izy hoe, "Jereo, tsy afaka mametraka baolina anankiray ao amin'ny tendany akory aza ianareo, kely loatra ilay izy. Ahoana no hahafahan'ny lehilahy matavy be anankiray hiditra ao amin'ny kibony?" Hoy izy, "Hitanareo, ohabolana tranainy fotsiny izany, toa feno an'izany ny Baiboly."

¹²⁹ Tafahoatra loatra izany ho an'ny—ny fieritreretako. Hoy aho hoe, "Tompoko, te-hilaza zavatra eo aho."

Hoy izy, "Inona no ho lazainao?"

¹³⁰ Hoy aho hoe, "Hitanao, tena marina ny namakianao ny Baiboly." Hoy aho hoe, "Ny Baiboly dia nilaza fa trozona hafa izy io. 'Andriamanitra dia nanomana hazandrano lehibe anankiray.' Fomba hafa mihitsy no nanaovany azy io, mba hitelina azy, ka nametraka azy tao! Tsy hazandrano tsotra io. Hanao asa anankiray tsy mahazatra Andriamanitra tamin'io, noho izany dia naka hazandrano tsy mahazatra anankiray Izy." Hitanareo? Tsy niteny na inona na inona momba an'io intsony izy tamin'izay. Koa, io, manana zavatra anankiray hafa Andriamanitra.

¹³¹ Tahaka ny tovovavy kely anankiray, indray mandeha, nivoaka avy tao amin'ny tabernakla; voahogo mankany aorianana ny volony kely, ary malama, ampy tsara nahatonga ny tarehiny hitovy amin'ny tongolo voavaofy anankiray. Nanana Baiboly anankiray fotsiny izy, nandeha nidina.

¹³² Ilay lahy antitra anankiray antsoina hoe Jim Dorsey dia nipetraka tao Utica. Tsy mahatoky anankiray izy, miaramila tranainy anankiray, ary—ary tsy mino an'Andriamanitra izy. Ary hoy izy hoe, “Handeha ho aiza ianao, ry ramatoa kely?”

Hoy izy hoe, “Handeha hody aho, tompoko.”

Hoy izy, “Inona iny fihininao eo amin'ny sandrinao iny?”

Hoy izy hoe, “Baiboly ity.”

Hoy izy, “Tsy mino an'iny ianao, sa tsy izany?” Ary izy . . .

Hoy izy, “Eny, mino an'ity aho, tompoko.”

¹³³ Ary hoy izy, “Ianao ve mino an'ilay tantara ao anatiny ao mikasika an'ilay trozona nitelina an'i Jona?”

Hoy izy, “Eny, azo antoka, mino ny Teny rehetra an'ity aho.”

¹³⁴ Hoy izy hoe, “Ahoana no hanaporofoinao an'izany amin'ny fomba hafa ankoatry ny finoana, ilay antsoinareo hoe finoana?”

“Eny,” hoy izy, “rehefa tonga any An-danitra aho, dia hanontany an'i Jona.” Hitanareo?

Hoy izy hoe, “Ka raha tsy any izy?”

¹³⁵ Hoy izy, “Dia ianao no tsy maintsy hanontany azy.” Koa nihevitra aho fa izany no mpanazava hevitra tena mahay. Koa neveriko fa izany no tokony ho marina.

¹³⁶ Raha niteny ny Baiboly fa natelin'ny trozona i Jona, dia hino an'izany aho. Azony nomanina izany. Izay nolazain'Andriamanitra, dia azon'Andriamanitra tanterahina, ary mihazona ny Teniny foana Izy. Koa, Jona, maneso azy isika . . .

¹³⁷ Fa mba efa voamarikareo ve ny hazandrano anankiray rehefa milomano izy? Mihaza ny sakafony izy. Ary avy eo rehefa mihinana izy, dia mandeha midina avy hatrany any amin'ny fanambany izany ary mampandry an'ilay filomanosana keliny ao amin'ilay fanambaniny. Fahano ny trondromenanareo dia jereo izay miseho. Hanana ny kibo keliny feno izy ireo, avy eo dia hidina izy ireo ka ireo filomanosany tena miankina tsara amin'ny fanambaniny, ary matory eo dia tsy rototra.

¹³⁸ Eny, io hazandrano lehibe voaomana io dia tonga teo ka nitelina an'io mpaminany io. Ary lasa tany amin'ny fanambanin'ny ranomasina izy, ary angamba tany amin'ny efapolo metatra mahery lalina tany. Las a tany ambany tany izy, mba hampandry ny tenany tao amin'ny fanambanin'ny ranomasina.

¹³⁹ Ankehitriny isika dia mieritreritra an'i Jona foana. Ary ny rehetra dia manao hoe, "Ankehitriny efa nivavaka aho, saingy mbola tsy tsaratsara akory ny tànako. Efa nivavaka aho, saingy mbola tsy mahatsiaro ho tsaratsara aho." Tsy mbola niantsoantso mafy niaraka tamin'i Jona ianareo.

¹⁴⁰ Ankehitriny jereo ireo fisehon-javatra azony. Ankehitriny, ny voalohany, tany ivelany izy tao amin'ny ranomasina misamboaravoara, ary niala tamin'ilay lâlana nanirahan'Andriamanitra azy izy. Voafatotra ny tànany sy ny tongony. Natsipy tao amin'ny fisamboaravoara, fisafoaky ny ranomasina izy, ary trozona anankiray no nitelina azy ka nidina tanteraka tany amin'ny fanambanin'ny ranomasina. Ary nandry tao izy tao anatina lo, tao anatin'ny kibon-trozona, ny lomodranomasina nanodidina ny vozony, Ary raha njery *taty* amin'ny ilany iray izy, dia kibon-trozona ilay izy. Nijery *tatsy* izy, dia kibon-trozona ilay izy. Na taiza na taiza no nojereny, dia kibon-trozona ilay izy. Miresaka ny amin'ny karazana fisehon-javatra ianareo, tsy maintsy azony izany. Saingy mba fantatrareo ve hoe inona no nolazainy? Hoy izy hoe, "Mieboebo foana izy ireo. Tsy hijery azy ireo intsony aho, fa hijery indray mandeha ny Tempolinao masina aho."

¹⁴¹ Satria, Solomona, olona ara-nofo avy amin'ny tany, izay nivavaka tamin'ny fanokanana ny tempoly, dia nanao hoe, "Tompo, raha tojo olana any ho any ny Olonao, ka mijery ity toerana masina ity, dia mihainoa any An-danitra."

¹⁴² Ary Jona dia nanana finoana ny amin'izay nivavahan'i Solomona. Ary Andriamanitra namonjy azy avy tao amin'ny trozona, afaka telo andro sy alina. Mety nametraka trano-lay misy rivotra tao ambany tao Izy. Tsy fantattro hoe inona no Nataony, fa Novelominy telo andro sy alina izy, araka ny Teny. Ary marina ny Teny.

¹⁴³ Eny, raha Jona, teo ambanin'izany toe-javatra izany, no mbola afaka njery indray ilay tabernakely izay nataon'olombelona, dia ahoana kosa no hataonao sy izaho, izao hariva izao, hijerena an'ilay Tempoly izay itsanganan'i Jesosy eo amin'ny tànana ankavanana'ilay Mendri-kaja, miaraka amin'ny Tena Râny, manao fanelanelanana eo amin'ny fifonantsika, eo amin'ny fisehon-javatra kely amintsika! Aza manameloka an'i Jona, fa jereo kosa izay tsy mety aminareo. Jereo ny teny fikasana, "Izany no nolazain'Andriamanitra!" Raha zanak'i Abrahama ianareo, "Izany no nolazain'Andriamanitra!" Izy no nanao an'ilay teny fikasana, dia vita hatreо ny amin'io.

¹⁴⁴ Mariho, ny olona rehetra dia nivoaka hanjono, nisintona ny haratony sy ny sisa. Afaka kelikely, tamy ilay andriamanitra-ranomasina, ilay trozona, nisosa mafy nankery amorony. Nandohalika ny olona rehetra. Andriamanitra dia mahalala ny hanaovana ny zavatra rehetra. Ary nanitsy avy hatrany teny

amorony izy dia nanatranga ny lelany, ary, rehefa nataony izany, dia indro ilay mpaminany fa namindra nivoaka avy tao amin'ny vavan'ilay trozona. Ny mpaminany! Naloan'ilay andriamanitra avy hatrany tery amorony ilay mpaminany. Tsy mahagaga raha nibebaka izy ireo. Hitanareo?

¹⁴⁵ Izany no famantarana anankiray. Jona izay novonjena tamin'ny alàlan'ny trozona anankiray, dia famantarana iray. Inona no nataony? Famantarana iray avy amin'Andriamanitra izany. Inona no nolazain'ilay feo? "Mibebaha fa raha tsy izany dia ho faty afaka efapolo andro." Famantaran'Andriamanitra; feon'Andriamanitra! Isan'andro, rehefa mandefa famantarana anankiray Andriamanitra, dia mandefa ny Feony Andriamanitra aorian'io famantarana io. Mariho, "Mibebaha, fa raha tsy izany dia ho faty ity tanàna manontolo ity ao anatin'ny efapolo andro."

¹⁴⁶ Niseho teto an-tany i Jaona, afaka efajato taona tsy nisian'ny mpaminany; ilay famantarana afaka efajato taona, ny amin'ny fisehoany. Ilay fotoana malalaka kely!

¹⁴⁷ Ankehitriny raha ara-panahy ianareo dia ho takatrareo izay lazaikeo. Enga anie Andriamanitra hanokatra ny fahalalanareo. Hafiriana ilay izy!

¹⁴⁸ Efajato taona, ilay Isiraely tsy nisy mpaminany, tsy maintsy tena nihodinkodina ny fiangonana, ary tamin'izay dia indro niditra teo amin'ny sehatra i Jaona. Jaona no mpaminany, famantarana anankiray fa ho avy hiteny aoriany ny Mesia. Jereo. Satria, hoy Malakia 3 hoe, "Haniraka ny Irako eo Aloha Aho, hanomana ny lâlana, hanomana ny olona."

¹⁴⁹ Jereo Jaona, tsy nisy fitiavan-tena tao aminy. Tsy naka voninahitra mihitsy izy. Niegaza niantso azy ho Mesia izy ireo; saingy hoy izy hoe, "Tsy mendrika hamaha ny Kapany akory aho."

¹⁵⁰ Fa vantany vao niseho Jesosy, dia nanana famantarana anankiray Izzy, Andry Afo anankiray, Hazavana iray teo Amboniny, tahaka ny voromailala nidina nisy feo nanao hoe, "Ity ny Zanako malala, Izay Sitrako."

¹⁵¹ Mariho, ary avy hatrany Jaona dia niteny hoe, "Izy tsy maintsy mitombo. Izaho tsy maintsy mihena." Nanolotra ny Fiangonana ho an'i Kristy izy. Amena.

¹⁵² Izay nolazaina tamintsika tamin'izany, amin'ny andro farany, dia hiverina indray! Hisy Hafatra anankiray ho tonga, izay hampahafantatra ny Mesia amin'ny olona. Ary izany dia ho amin'ny fomba anankiray, ary dia hitsangana tsy hahateny eo izy ireo tahaka izay nataony tamin'izany. Nampanantena izany Izzy. Ny toko manaraka ny Matio, ny Malakia, dia miresaka amintsika ny momba izany. Jereo.

¹⁵³ Nanontany ny momba an'io izy ireo. Ny natioran'i Jaona dia nanondro azy ho tao anatin'ny fanahin'i Elia. Ankehitriny mariho ireo mpaminany anankiroa ireo.

¹⁵⁴ Ankehitriny, Elia dia nitsangana tamin'ny andron'ny Isirael, tao anatin'ny fikorontanana iray.

¹⁵⁵ I Ahaba no mpanjaka. Ary ny vehivavy rehetra dia naka tahaka an'i Jezebela daholo, ary angamba nanakotsa ny volo tapaka sy ny sisa, angamba tahaka ny ananantsika ankehitriny. Ary ny rehetra dia nanaraka an'i Jezebela daholo. Ary ireo pasitera nieritreritra hoe, "Tena tsara kosa izao. Aza mikasika azy ireo. Avelao izy ireo hanao an'izao."

¹⁵⁶ Ary tamin'izany fotoana izany, dia nanangana lehilahy anankiray avy tany an-efitra Andriamanitra, mitondra ny anarana hoe Elia. Tsy fantatsika akory aza hoe avy taiza izy io. Tsy nanana sekoly mba hahalalana azy izy. Saingy nitsangana izy, ary nomelohiny izany karazan-javatra izany. Nomelohiny avokoa ny fandrafetana rehetra.

¹⁵⁷ Raha hiditra eo amin'ny sehatra izy, ankehitriny, dia hanameloka ny fandrafetantsika rehetra koa.

¹⁵⁸ Nomelohiny ny Jezebela rehetra. Ary izy io, ny niafarany, izy io no nanimba an'ilay mpaminany. Nifarana, tahaka an'i Jaona; natory teo ambanin'ny hazo anjavidy rehefa nandeha hamono azy i Jezebela. Nankahala azy izy.

¹⁵⁹ Ary avy eo dia hitantsika fa rehefa tonga i Jaona, avy tany an-efitra indray koa, mpankafy ny an-efitra, niaraka tamin'ny hafatra mahitsy anankiray ho an'ireo vehivavy moderna izay misara-bady dia manambady, dia manambady indray, notapahiny ho potipotika izany zavatra izany. Tsy avy tamina sekoly anankiray mihitsy izy. Avy tamin'Andriamanitra izy, lehilahy anankiray avy tamin'Andriamanitra. Ary nanameloka an'ireo vehivavy moderna izy, nanohitra azy ireo mafy, ary tsy namaha totohondry mihitsy izy. Fa niteny tsy nisorona hoe, "Antomotra ny andro, hiteny ny Mesia." Jereo izany.

¹⁶⁰ Ankehitriny ampitahao ny fotoan'ny fahatongavan'i Elia voalohany sy ny maro amin'ireo mpaminany moderna an'ny ankehitriny, mamela an'ireo Jezebelany hanapaka ny volony, sy manao sorta, mifoka sigara, sy izay rehetra tiany hatao, mitarika azy ireo mihodinkodina eo. Aleo tsy miteny na inona na inona, handao azy izy, dia haka anankiray hafa. Mitarika azy ireo amin'ny alàlan'ny fanekem-pinoana nataon'olombelona; henatra izany, fampianaran'olombelona. Ary, noho ny fanaovana an'izany, dia manao ny didin'Andriamanitra ho tsy misy vokany izy ireo, satria afaka mikambana amin'ny fiangonana izy ireo ary mbola milaza fa Kristiana izy ireo, ary mihazona ny zony ka milaza fa Kristiana izy ireo, dia manohy. Izany no tian'izy ireo. Izany no nataon'izy ireo tamin'izany.

¹⁶¹ Saingy, tsarovy, tamin'izany fotoana izany indrindra, no nampantanena Andriamanitra ao amin'ny Malakia 4, fa hanatanteraka ny Teny indray Izy. Marina izany. Jereo hoe aiza no misy antsika ankehitriny, tena tahaka ny tamin'ny andron'i Jaona fotsiny, tena tahaka ny tamin'ny andro lasa fotsiny.

¹⁶² Jereo fa nitsangana ity Amosa kely trrainy ity, zavatra trrainy kely anankiray. Tsy fantatsika hoe avy taiza izy io. Mpiandry biby fiompy izy. Naka azy avy tao amin'ny kijanan'ondry sy kijanan'omby Andriamanitra, ka, ka nampianatra azy. Ary rehefa tonga tao Samaria izy, ary rehefa niakatra izy ka nitsangana teo ambonin'ilay havoana tamin'izany andro izany, dia niondrika teo. Ary ilay masoandro namirapiratra teo amin'ny loha solany, ary ny volombavany mivolon-davenina, ary ny masonry niara-nilentika ka namirapiratra. Nanjopiaka ireo masonry masina, tsy noho ny fahatezerana izay hitan'ireo mpizaha-tany rehefa nuditra teo izy ireo, satria ny tanàna manontolo dia natondraka ho amin'ny fahotana avokoa.

¹⁶³ Iza io bitika, sy olona tsy fantatr'io? Eny, Amosa io, ilay mpaminany. Naminany tamin'ny andron'i Jeroboama Faharoa izy, mpanjaka tsy mifaditrovana anankiray, mamela ny olona hanao ny zavatra rehetra. Ireo mpisorona rehetra dia nomba an'izany. Nanorina an'ireo fiangonana tsara indrindra izy ireo. Nanana ny akanjo tsara indrindra izy ireo. Ireo vehivaviny dia ratsy toetra. Niakanjo amin'ny fomba izay tiany izy ireo. Nitangorona teny rehetra teny ireo mpizaha tany, mba hijery an'ireo tovovavy tsara tarehy sy ny fanaony.

¹⁶⁴ Tena ETAZONIA moderna anankiray hafa, natao ho olon'Andriamanitra. Tsy misy olona miteny na inona na inona mikasika izany. Toa fanagejana anankiray eo amin'ny olona ilay izy. Dim-...

¹⁶⁵ Valo ambin'ny folo taona izao, androany! Valo ambin'ny folo taona i Rebekah-ko, androany. Valo ambin'ny folo taona, no nanodidinako an'ity firenena ity, nanameloka an'ireny zavatra ireny. Ary rehefa miverina aho, isan-taona, dia maro noho ny tamin'ny fotoana voalohany nanombohako ireo vehivavy mitapa-bolo.

¹⁶⁶ Olo-malaza anankiray, mpitoriteny Pentekotista malaza no nitondra ahy tao amin'ny efitrano anankiray, teo amin'ny herintaona lasa izay, mahafinaritra, fanta-daza, lehilahy fantatra eran-tany. Nilaza izy fa izaho... “Rahalahy Branham, avelao aho hametraka ny tanako eo aminao dia hivavaka ho anao.”

Hoy aho hoe, “Izaho anie tsy marary e.”

¹⁶⁷ Hoy izy hoe, “Fa misy zavatra tsy mety.” Hoy izy hoe, “Rahalahy Branham, hanimba ny asam-panompoanao ianao. Tsy hisy olona hiara-hiasa mihtisy. Tsy mahagaga raha tsy

te-hiara-hiasa aminao ireo mpitoriteny; izany dia ilay fomba anamelohanao an'ireny vehivavy ireny.”

Hoy izy hoe, “Ireo olona ireo dia miantso anao ho mpaminany anankiray.”

Hoy aho hoe, “Izaho tsy mbola niteny mihitsy hoe izany aho.”

¹⁶⁸ Hoy izy hoe, “Saingy izy ireo dia mihevitra anao fa izany ianao.” Hoy izy hoe, “Izaho koa mino an’izany zavatra izany.” Hoy izy hoe, “Nantsoina hivavaka ho an’ny marary ianao.” Hoy izy hoe, “Mivavaha ho an’ny marary, fa aza mikasikasika an’ireo vehivavy ireo ianao. Manimba ny fihetsem-pony ianao.”

Hoy aho hoe, “Amin’ny inona?”

¹⁶⁹ Hoy izy hoe, “Firesahana mikasika an’ireo izay mitapa-bolo sy ny sisa.”

Hoy aho hoe, “Diso izany.”

¹⁷⁰ Hoy ny Baiboly hoe, “Ny vehivavy izay—izay manapaka ny volony, ny vadiny dia manana zo handroaka azy amin’ny fisarahanam-panambadiana.” Tena marina. “Mahafa-boninahitra ny lohany izy.” Izany no nolazain’ny Baiboly. Ankehitriny tsy fantatro na tianareo izany na tsia, fa izany no nolazain’ny Baiboly, ao amin’ny Korintiana Voalohany.

¹⁷¹ [Elanelana tsy voaraki-peo—Mpand.] . . . hoditra voasesika ka mivoaka ety ivelany ilay hoditra. Ary avy eo izy ireo—izy ireo dia tonga eo, manao hoe, “Eny, Andriamatoa Branham, izao ihany no karazana fitafiana tokana hamidin’izy ireo.”

¹⁷² Mbola manana an’ireo fitaovana sy milina fanjairana izy ireo. Tsy misy fialan-tsiny. Ireo vehivavy Amish sy Dunkard mbola mitafy an’izany. Azo antoka. [Mitehaka ny fiangonana—Mpand.]

Ary inona no miseho? Mivoaka eo fotsiny izy ireo dia manohy.

¹⁷³ Hoy ny vehivavy anankiray, “Eny, Andriamatoa Branham, tsy manao sorta aho. Izaho manao s- . . .” Inona moa ireny, pataloa ko- . . . [Hoy ny rahalahy iray hoe, “Pataloha korsera.”—Mpand.] Hia. Hoy izy, “Ireny no anaovako.”

¹⁷⁴ Hoy aho hoe, “Tena ratsy izany.” Hoy aho hoe, “Ny Baiboly no milaza, ‘Fahavetavetana ho an’ny vehivavy ny manao fitafian-dehilahy.’” Ary karazana endrika maloto anankiray toy ny inona no fijery an’ity Etazonia ity ankehitriny! Hitanareo? Marina izany.

¹⁷⁵ Avelao aho hiteny zavatra anankiray aminareo, ranabavy. Mety ho madio toy ny lilia anankiray ianareo, eo amin’ireo vadinaréo sy ireo akaizanareo, saingy amin’ny Andron’ny Fitsarana kosa dia hamaly ny amin’ny nijangajanganareo ianareo. Hoy Jesosy hoe, “Izay rehetra mijery vehivavy, ka mila azy, dia efa nijangajanga taminy sahadys.” Raha mijery anareo

ilay mpanota io, dia tsy maintsy hamaly izy amin'ny Andron'ny Fitsarana. Nanolotra ny tenanareo ho azy ianareo. Nanao izay tian'ny tenanareo hatao. Ah-hah.

¹⁷⁶ Ahoana no hitiavan'ny vehivavy masina anankiray hiakanjo tahaka izany? Avy eo ianareo dia milaza fa nahazo ny Fanahy Masina satria niteny tamin'ny fiteny tsy fantatra sy nihazakazaka nandroso sy niverina teo amin'ny gorodona? Izany, na dia, izaho efa nahita mpanompo sampy nanao an'izany, ireo Hottentot. Ny Fanahy Masina dia fahadiovana, masina, tsy mandoto. Izany tokoa.

¹⁷⁷ Hoy io lehilahy io hoe, “Raha ianao . . . Izy ireo dia mino anao ho mpaminany anankiray. Maninona ianao no tsy mampianatra azy ireo hoe ahoana no fahazoana fanomezam-pahasoavana lehibe ara-panahy, sy hoe ahoana no hanaovana zavatra ho an'Andriamanitra? Maninona ianao no tsy mampianatra azy ireo an'izany raha mpaminany ianao?”

¹⁷⁸ Hoy aho hoe, “Ahoana moa no hahafahako hampianatra azy ireo ny alizebra nefo izy ireo aza tsy hianatra ny ABC-ny akory?” Fantatrareo ve ny dikan'ny ABC? Always Believe Christ [Isan'andro minoa an'i Kristy—Mpand.] Ah-hah. Ahoana no hanaovanareo an'izany? Hitanareo, tianareo ny ho tonga *ery* ambony ery, raha tokony hanomboka *eto* ambany eto.

¹⁷⁹ Andriamanitra dia hanorina ny Fiagonany eo ambonin'ny fanorenan'i Jesosy Kristy, ary ny Baiboly izany. Ny ivelan'izany, ny fototra hafa rehetra dia fasika miletsy avokoa. Tsy miova Andriamanitra. Tsy miova ny Natiorany.

¹⁸⁰ Nanao ny vehivavy ho samihafa amin'ny lehilahy Iz, ary ny lehilahy ho samihafa amin'ny vehivavy. Samihafa no Nampiakanjony an'ireo, ary tiany ireo hijanona amin'izany fomba izany. Hitanareo? Ny vehivavy te-hitovy amin'ny lehilahy, ary ny lehilahy te-hitovy amin'ny vehivavy. Oh, oadray! Tena famoterana anankiray! Izany dia . . . Ary ny zavatra rehetra, tahaka ny hoe nahazo fikitra teo amin'ny olona ilay izy, ka tsy afaka manova azy ianareo. Tahaka ny biby be anankiray, fahamaintisana be anankiray; raha azonareo izay lazaiko, ao amin'ny fanahy. Voarombaky ny biby be anankiray izy ireo, ka izy ireo—izy ireo dia tsy afa-mandositra an'ilay izy fotsiny; be Hollywood loatra, be televiziona loatra, be fahadalana hafa loatra. Ny zavatra rehetra ananantsika dia voaloto. Tsy mahagaga, “Raha tsy nafohezina ilay asa, noho ny amin'ny Voafidy, dia tsy hisy nofo hovonjena.”

¹⁸¹ Hoy ianareo hoe, “Tsy fantattro mihitsy izany taloha.” Fa, ankehitriny dia fantatrareo izy, manomboka izao. Hitanareo? Izany dia . . . tsaratsara kokoa ajanoko izany. Ndao isika hiverina. Mariho.

¹⁸² Famantarana anankiray i Jaona. Ary tsarovy fa, ny fomba izay nanaovan'Andriamanitra an'ilay izy tamin'ny voalohany,

dia izany ihany no fomba Hanaovany azy indray. Nampanantena an'izany Izy. Ankehitriny, Andriamanitra dia tsy nampiasa vondron'olona anankiray mihitsy, tamin'ny fotoana rehetra, ho an'izany.

¹⁸³ Tsarovy, nisy vondrona anankiray indray mandeha, izay, lehilahy malaza anankiray nantsoina hoe Ahaba, izy io dia naka a...izy io dia naka mpaminany Isiraelita efajato ho azy. Ankehitriny, tsy mpaminany mpanompo sampy izy ireo. Mpaminany Isiraely efajato. Izy rehetra dia nanana ny diploma many daholo sy ny sisa, nanana sekoly lehibe anankiray.

¹⁸⁴ Nisy lehilahy masina anankiray nantsoina hoe Josafata, izay mpanjakan'ny Joda, ary tonga teo izy. Ary teo no nisy mino anankiray izay nifangaro tamin'ny tsy mino anankiray. Lasa diso ny zavatra rehetra.

¹⁸⁵ Ary hoy izy, "Ramota-Gileada." Ankehitriny jereo ity, toy ny inona no fahamarinany. Hoy izy hoe, "Antsika i Ramota-Gileada, any io. Any amin'ny ampahany ambony amin'ny firenena any, antsika izany." Josoa, teo am-pizarana ny tany, dia nanome an'izany ho an'Isiraely. Ary ny Filistina, mpanompo sampy, no tonga ka naka izany tamin'izy ireo. Hoy izy hoe, "Antsika izany."

¹⁸⁶ Ankehitriny jereo hoe ahoana, ara-pototra, dia mety ho marina ny olona nefo diso an'Izany. An'Isiraely tokoa ilay zavatra. Saingy ny teny fikasan'Andriamanitra rehetra kosa, rahalahy, dia misy fepetra, hitanareo, "Raha mandeha eo anatrehan'ny Tompo izy ireo."

¹⁸⁷ Ankehitriny jereo ity. Hoy izy hoe, "Hiaraka amiko hiakatra ve ianareo, ka hanampy ahy hamerina an'io tany io? Eny, izany dia, rehefa nameno ny kibony ireo ankizy Filistina, tamin'ny vary izay an'Isiraely." Tena marina ara-tSoratra izany. Hoy izy hoe, "Ampio aho hiakatra sy hahazo azy ireo."

¹⁸⁸ Hoy izy, "Eny, ny..." Teo no nanao fahadisoana tsy ampiheverana. "Ny kalesiko dia anao, ny oloko dia toy ny anao. Hiaraka aminao aho."

¹⁸⁹ Ary tamin'izay no nanomboka nieritreritra i Josafata, fantatrareo. "Hono ho'aho, tsy tokony hanontany ny Tompo ve isika mikasika an'izany alohan'ny handehanantsika?"

¹⁹⁰ "Oh, mazava ho azy," hoy Ahaba hoe, "izany tokoa. Ah-hah. Miala tsiny aho. Izaho—izaho no tokony nieritreritra an'izany."

"Tsy misy mpaminany angaha any ho any?"

¹⁹¹ "Oh, azo antoka. Izaho manana—izaho manana se—semineran'izy ireo eto, ny tsara indrindra mbola tsy hitanareo. Izy rehetra dia miakanjo ny tsara indrindra amin'ny fitafiana. Izy ireo no mpianatra mamirapiratra ambony indrindra. Izaho no nampianatra azy ireo, hatramin'ny teboka. Handeha isika haka azy ireo."

¹⁹² Koa dia lasa nandeha izy ireo. Ary niaraka daholo izy ireo. Tsy nihatsaravelatsihy izy ireo. Nivavaka izy ireo dia nivavaka dia nivavaka, mandra-pahitan'izy ireo fahitana anankiray.

¹⁹³ Avy eo dia niakatra izy ireo. Ary ny iray tamin'izy ireo dia nanao tandroka anankiroa lehibe ho azy avy tamin'ny vy. Hoy izy hoe, "Toy izao no hanotoanao ny Filistina, na ny—ny Syriana, tanteraka hiala amin'ny firenena." Hoy izy hoe, "HOY NY TOMPO HOE. Miakara, momba anareo ny Tompo." Ny tsirairay tamin'izy ireo, avy eo, iray saina, dia niditra tao amin'ny fanahy. Hoy ireo mpaminany Israélita hoe, "Miakara, momba anareo ny Tompo." Hoy ianareo hoe, ara-tSoratra ve izany? "Nanome lova ho an'ny olona Andriamanitra, fa ny fahavaloo no mahazo azy. Manana zo ianareo handeha haka azy io."

Ankehitriny, Pentekosta, tiako hahazo lesona anankiray ianareo eto.

¹⁹⁴ Fa, Josafata, amin'ny maha-lehilahy masina anankiray azy, hoy izy hoe, "Kanefa dia misy zavatra kely tsy mety." Hoy izy, "Tsy manana anankiray hafa ve ianareo?"

¹⁹⁵ "Anankiray hafa, taorian'ireo mpaminany efajato tsara hofana nitsangana teo?" Ny farany betsaka indrindra hatrery amin'ny faran'ny rihana iry. "Nitsangana tao amin'ny saina iray, nanao hoe, 'HOY NY TOMPO HOE.' Namadika an'ilay izy indray, nanao hoe, 'Josoa no nanome antsika ny tany. Antsika io. Ndaoo haka azy!'"

¹⁹⁶ Fa nanontany ny anankiray hafa i Josafata. Hoy izy, "Tsy misy anankiray hafa ve azontsika hanontaniana ny Tompo?"

¹⁹⁷ Hoy izy, "Oh, mbola misy anankiray any, saingy," hoy izy, "Halako izy." Ah-hah, ah-hah. Hoy izy, "Mikaia izany, ilay zanak'i Jimla." Hoy izy, "Halako izy. Loza mikasika ahy foana no lazainy."

Hoy izy, "Aoka ny mpanjaka tsy hiteny an'izany. Ndaoo alainy izy."

¹⁹⁸ Avy eo dia nandefira iraka nankany izy ireo. Ary ny sasany tamin'izy ireo nanao hoe, "Ankehitriny, ry Mikaia, te-hilaza zavatra aminao aho. Ankehitriny, fantatrao fa noroahin'izy ireo ianao, nanongotra anao tao amin'ilay firaisansa, vao tsy ela akory izay, satria ianao dia miteny zavatra ratsy amin'ny vahoaka foana. Ankehitriny raha tianao ny hahazo indray ny kara-piraisansao, dia milazà ianao zavatra mitovy amin'izay lazain'izy ireo, ary, oh, ho raisin'izy ireo marina eo ambanin'ny sandrinry ianao."

¹⁹⁹ Fa niafara teo amin'ilay tsy maintsy naha-tena mpaminany azy izy. Hoy izy hoe, "Raha velona koa ny Tompo Andriamanitra, dia izay hataon'Andriamanitra ao am-bavako ihany no ho lazaikeo." Oh! Hitahy an-dralehilahy anie Andriamanitra. Hoy

izy hoe, "Miandràsa hatramin'ny rahalina, dia ho hitako izay lazain'ny Tompo amiko."

²⁰⁰ Ny ampitso maraina, hoy izy, "Miakara, saingy hitako ny Isirael ny iely tahaka ny ondry tsy misy mpiandry." Avy eo dia nalainy ny fahitany ka nampitahainy tamin'izay nolazain'i Elia izany, dia izay niseho tamin'i Ahaba. Ahoana no Hahafahany hitahy izay efa nozonina? Tsy mampaninona na impiry . . .

²⁰¹ Firenena masina anankiray isika. Ny fiangonana Pentekotista, Batista, ary Metodista, sy ny sisa, dia fiangonana Kristiana, saingy ahoana no hahafahanareo hitahy izay nozonin'Andriamanitra? Tsy ahoako, hoy ianareo hoe, "Izaho—izaho niaraka tamin'ity. Izaho nanao an'ity." Tsy misy zavatra anankiray hidiran'izany amin'io mihitsy. Jereo izay nataonareo. Jereo ny Pentekosta, ahoana no nampidinany an'ireo fefy. Jereo izay na ha-izy anareo fahiny, dia jereo ny maha-izy anareo ankehitriny. Tsy mahagaga, ireo maso no, ireo maso no nohajambaina.

²⁰² Avy eo izy, Ahaba, ny . . . Nasian'io mpisorona io tahamaina izy teo amin'ny vavany. Ary hoy izy, "Apetraho izy," ary hoy Ahaba hoe, "apetraho any ambadika any izy ao antrano-maizina. Rehefa miverina soa aman-tsara aho, dia hifampirahara amin'io sakaida io."

²⁰³ Hoy izy hoe, "Raha tafaverina tokoa ianao, dia tsy niteny tamiko Andriamanitra." Ah-hah? Hitanareo? Nisy mpaminany iray, nisy famantarana iray; nisy ny Feony. Fa, ny diso amin'ny fankatoavana an'izany, no nitondra fitsarana.

²⁰⁴ Ny Fanahy Masina no mpaminanintsika ankehitriny. Ny ho diso amin'ny fandrenesana ny Feony ve? Notondroiny tao amin'ny Soratra, fa Izy no nilaza an'ireo zavatra ireo. Jesosy Kristy, ilay endriky ny Fanahy Masina!

²⁰⁵ Io olona anankiray io no nifampiraharan'Andriamanitra. Io, Andriamanitra tsy mifampirahara amina vondrona mihitsy; amin'ny olona anankiray izany. Tsy vondrona anankiray i Elia. Tsy vondrona anankiray i Jaona. Tsy vondrona anankiray na anaram-piagonana anankiray izy ireo, tsy iray amin'izy ireo mihitsy aza. Fa izy roa ireo samy nanameloka azy tahaka izany. Marina izany. Hoy i Jaona hoe, "Aza mihevitra ianareo ny hilaza hoe manana an'i Abrahama ho rainay izahay. Andriamanitra dia mahay manangana zanaka ho an'i Abrahama avy amin'ireto vato ireto."

²⁰⁶ Ary ny famantaran'ny andro farany dia manana Feon'ny andro farany. Ary ny famantaran'ny andro farany dia hifanarako amin'izay voalaza mialoha ao amin'ny Baiboly. Ary ny Feon'ny andro farany, dia ho voatondro tanteraka ao amin'ny Soratra, ho ny Soratra izay efa nampanantenaina.

²⁰⁷ Ankehitriny novakantsika tao amin'ny Lioka 17 fa ilay ho famantaran'ny andro farany, dia ho tahaka ny tao Sodoma,

teny fikasana iray. Ary isika manana an'ilay Sodoma ao amin'ny ara-nofo, nahoana isika no tsy mino ny famantarana ao amin'ny ara-panahy eto? Raha afaka mahita ny Soratra ianareo, ihany koa, Lioka 17 no famantarana, ary Malakia 4 no Feo. Ny famantarana dia sahala amin'Andriamanitra voaseho teo amin'ny nofo, mahalala ny tsiambaratelon'ny fo; ary ny Feon'ny Malakia 4 dia manodina ny vahoaka hiala amin'ireo fanekem-pinoany, hiverina amin'ilay Finoan'ireo ray. Izany ilay famantarana.

²⁰⁸ Fantatrareo ve izany? Mamarana aho ankehitriny. Ny famantarana no matetika ekena, azo antoka; fa, ilay feo kosa, oh, tsia. Ilay feo izay manaraka an'ilay famantarana, dia tsy te-hanao na inona na inona amin'izany izy ireo. Eny.

²⁰⁹ Ny famantaran'i Jesosy, maha-Mesia, ny manasitrana ny marary, neken'izy ireo izany. Fa indray andro hoy Izzy hoe, "Izaho sy ny Ray dia Iray ihany."

²¹⁰ Oh, oadray, tsy nekena izany feo izany. Hoy izy ireo, "Manao ny Tenanao ho Andriamanitra Ianao, mitovy amin'Andriamanitra."

Hoy Izzy hoe, "Izaho no Zanak'Andriamanitra."

²¹¹ "Oh, oadray, ahoana no hahafahan'Andriamanitra banana Zanaka anankiray? Hitanareo, lavitra an'Andriamanitra ny banana Zanaka anankiray izany!"

²¹² Saingy, hitanareo, izy ireo dia nino ny—ny famantarana, sitrana ny marary, ary, oh, tena nahafinaritra izany, tena tsara ilay izy. Saingy rehefa tonga teo amin'ilay feo, tsy te-hino an'ilay feo izy ireo. Inona no nataon'izy ireo? Noroahin'izy ireo Izzy.

²¹³ Ary mba fantatrareo ve? Ny Baiboly milaza amintsika ao amin'ny Apokalypsy ny toko faha-3, ao amin'io Taonan'ny Fiagonana Laodikia io, fa hatao ho tahaka izany ihany Izzy. Tany ivelan'ilay fiagonana Izzy. Izany no Teny tonga voaseho. Izzy no Teny tonga voaseho. Mbola Teny tonga voaseho foana Izzy.

²¹⁴ Raha mino ny famantaran'i Sodoma ianareo, ao amin'ny Lioka, raha mino izany ianareo, nahoana àry no tsy manaiky ny Feon'ny Malakia 4? Hitanareo, nahoana no tsy ianareo, ianareo? Azo amarinina izany. Ny fomba tokana azo anaovana an'izany dia... Azo porofoina ilay famantarana, saingy ianareo kosa tokony hanaiky an'ilay Feo.

²¹⁵ Nirahina handeha i Mosesy, tao amin'ilay ara-nofo, ary nahazo famantarana ara-panahy anankiray ka niantso ny olona hiverina amin'ilay teny fikasan'ireo ray.

²¹⁶ Malakia 4 dia tsy maintsy hamerina ny olona "Hiverina amin'ilay Finoan'ireo ray." Oh, miverena, O ry jamba sy niely, amin'ny anareo!

²¹⁷ Eto am-pamaranana, dia ity no holazaiko, ity fanazavana farany ity. Hoy ny mpaminany hoe, "Hisy Mazava amin'ny

andro hariva.” Jereo, hoy izy hoe,” Hisy andro iray izay tsy antsoina ho andro na alina.” Ankehitriny henoy. Mamarana aho. “Hisy andro iray . . .” Avelao ity hilentika lalina, ary enga anie Andriamanitra hametraka azy ity ao amin’ny fo tsirairay ato amin’ity vahoaka ity, izao hariva izao, ato amin’ity trano fivoriana ity. Hoy ny mpaminany hoe, “Hisy andro iray izay tsy antsoina ho andro na alina, karazana andro maizina, manorana, manjavona iray. Fa,” hoy izy, “amin’ny andro hariva, dia hisy Mazava.”

²¹⁸ Ankehitriny, tsarovy, ny masoandro dia mipo saka foana any Atsinanana ary mankany andrefana. Ny fandrosoana dia nanaraka ny masoandro. Fantatrareo izany. Ary, mariho, ilay masoandro izay mipo saka any Atsinanana io ihany no mbola ilay masoandro izay milentika any Andrefana. Ankehitriny, ny fandrosoana dia niara-nandeha tanteraka tamin’ny masoandro, mandraka ankehitriny ny Atsinanana sy ny Andrefana dia mbola mihaona. Aty amin’ny Morontsiraka Andrefana isika; Atsinanana sy Andrefana.

²¹⁹ Ary, tsarovy, nandeha tahaka izany fomba izany koa ny Filazantsara. Niposaka tany Atsinanana Izy, ny fihavian’i Jesosy Kristy, ilay S-o-n [Zanaka—Mpand.], fa tsy s-u-n [masoandro—Mpand.] S-o-n, ilay Zanak’Andriamanitra, dia niposaka tany Atsinanana, ho an’ny vahoaka Tatsinanana.

²²⁰ Ary ankehitriny dia nisy andro anankiray izay nikambanan’ny olona tamin’ny fiangonana, nanao anaram-piangonana, hazavana ampy hojerena fotsiny, “Eny, banana fiangonana anankiray izahay. Hanorina an’ity izahay. Hanorina sekoly anankiray izahay. Hanorina hopitaly anankiray izahay. Hampianatra izahay. Banana seminera anankiray izahay.” Nanana hazavana ampy hanaovana an’izany izy ireo.

²²¹ Saingy, tsarovy, ny Baiboly dia nilaza, ilay mpaminanin’ny Tompo, ao amin’ny Baiboly, izay HOY NY TOMPO HOE, “Io masoandro izay namirapiratra tany Atsinanana io ihany no mbola hamirapiratra indray any Andrefana, amin’ny andro hariva. Hisy Mazava amin’ny andro hariva.”

²²² Inona no Hataony? Manao tanteraka an’izay Nolazainy ao amin’ny Lioka toko faha-17 izany. “Amin’ny andro farany, rehefa ho voaseho ny Zanak’olona amin’ny fomba mitovy tamin’Izy tany Atsinanana, ilay Zanaka mamirapiratra io ihany, ilay Hery io ihany, ilay Fanahy Masina io ihany, io Zavatra io ihany no manao an’ilay zavatra mitovy. Hisy Mazava amin’ny andro hariva.”

²²³ Masoandro iray ihany no nandeha; S-o-n iray ihany no nandeha; nidina avy tany Atsinanana, avy teo amin’i Paoly; nitsambikina tao Alemania, teo amin’i Martin Luther; nitsambikina indray, tao amin’ilay Heriny manaraka; dia niala tao nankany Angletera, tao amin’i John Wesley; nitsambikina

niampita ny Ranomasimbe Atlantika, nankany Etazonia, tao amin'ny Pentekosta; ary ankehitriny ny Pentekosta dia nampihena ny tenany, ary ao amin'ny Morontsiraka isika.

²²⁴ Ny tsirairay amin'izy ireo, lasa anaram-piangonana, tahaka an'izay nataon'izy ireo fotsiny tany amin'ny fiandohana, nanao rafi-piangonana izay nozonin'Andriamanitra. Pentekosta, sy ny rehetra, no nanao izany.

²²⁵ Saingy hoy Izy hoe, "Hisy Mazava amin'ny andro hariva. Hisy famantarana anankiray hiposaka amin'ny andro hariva." Aza diso an'Izany, ry sakaiza. Aza diso an'Izany. Ankehitriny, ilay Zanaka io ihany no hanome an'io Mazava io ihany. Ilay s-u-n io ihany no manome an'io hazavan'ny s-u-n io ihany. Ilay S-o-n io ihany no manome an'io Hazavan'ny S-o-n io ihany.

²²⁶ Ankehitriny, tsy teniko izany. Ny rehetra eto, izay mahalala fa ny Baiboly no miteny an'izany, dia atsangano ny tānanareo. [Hoy ny fiangonana hoe, "Amena."—Mpand.] Tena marina izany.

²²⁷ Ankehitriny, mahavita ianareo, miankina aminareo izany. Minoa fa ilay Žanak'Andriamanitra, Jesosy Kristy, dia manana, dia tsy mety maty. Velona Izy. Ao anatin'ny fanetre-tena Izy, manetry tena. Nitoeatra toy izany foana Izy. Ny fomba hiakarana dia ny midina. Manetre-tena ianareo, miala amin'ireo hevitrareo madity, dia minoa ny Tompo Jesosy. Jereo ilay famantarana, avy eo dia minoa an'ilay Feo. Miverena, O ry niely, amin'ny anareo!

Ndaô isika hanondrika ny lohantsika.

²²⁸ "Ary raha tsy mino ny Feon'ny famantarana voalohany izy ireo, ilay teo amin'ny tānana, tahaka ny tamin'i Mosesy, dia ataovy ny famantarana faharoa. Avy eo, raha tsy mino an'io famantarana io izy ireo, dia makà rano (ny rano maneho fiaainana) izay ao amin'ny ranomasimbe na ny ranomasina, araraho amin'ny tany izany, dia ho lasa rà izany."

²²⁹ Ray An-danitra, tena tara tokoa izao, saingy Ianao no nampanantena fa hisy Mazava amin'ny hariva. Avelao ilay Feon'ny Filazantsaranay hilentika lalina ao amin'ny fon'ny olona, raha mandinika an'Izany izy ireo sy mianatra azy amin'ny alàlan'ny Teny.

²³⁰ Tahio ity vahoaka ity, Tompo. Tahio ireto olona ireto. Jereo izy ireo mipetraka eto, noana, ankizy mahantara tarihina sy voateritery, ary io, mahafantatra fa i Satana no nanao izany mba hanajamba azy ireo fotsiny amin'ilay zavatra rehefa eo Izy io. Enga anie izy ireo, izao hariva izao, iray saina, hino an'i Jesosy Kristy, hino ny Teny fikasany, fa nitsangana tamin'ny maty Izy.

²³¹ Hoy Ianao hoe, "Amin'ny andro izay tsy ampoizin'izy ireo, dia ho avy ny Zanak'olona."

²³² Vantany vao nahazo ny azy ny fiangonana, dia nanana vola betsaka, nanorina tranobe an-tapitrisany dolara. Tsaratsara kokoa ho azy ireo, Ray, mino aho, ny hiverina mitsangana

ery amin'ilay zoron-dàlana, mively a-amponga tapaka, miaraka amin'ny satroka eny an-tànany, ilay ampongabé tranainy eo amin'ilay zorony tahaka an'ilay Tafiky ny Famonjena, toy izay hipetraka ao anatin'ireny tronom-paty lehibe ireny, miezaka ny hanao an'izao tontolo izao ho modely, "Manana ny toe-panahy araka an'Andriamanitra, nefà mandà ny Hery."

²³³ Ekeo, Tompo, izao hariva izao, izao indray mandeha izao monja, Tompo; tahaka an'i Samsona nitaraina hoe, "Izao indray mandeha izao monja, Tompo, izao indray mandeha izao monja." Aoka ho fantatra fa Ianao no Kristy, ilay Zanak'Andriamanitra; tsy miova omaly, anio ary mandrakizay. Ary ampahafantaro ny Tenanao eto anivonay, mba ho hitan'izy ireo ilay famantarana, angamba hino ny Feo izy ireo. Ao amin'izany, mangataka aho amin'ny Anaran'i Jesosy Kristy. Amena.

²³⁴ Hiantso laharam-bavaka isika, haingakaingana mihitsy. Hitako fa tena ora efa firavantsika izao ankehitriny izao. Saingy ndao isika hanao laharam-bavaka anankiray, laharam-bavaka kely anankiray fotsiny, avy eo dia hanomboka isika rahampitso.

²³⁵ Nizara karatra fangataham-bavaka izy androany. Noho izany, mizara karatra isan'andro izahay, koa ny tsirairay dia afaka mahazo anjara raha tonga izy ireo, fotoana tsy mahazatra. Ny mijoro ao anatin'ny laharam-bavaka, tsy manasitrana anareo izany. Ny rehetra dia mahalala, isaky ny favoriana, dia betsaka ny olona sitrana any ivelany any noho ny sitrana ety ambony ety, hitanareo, isan'andro. Ny Fanahy Masina dia manerana fotsiny. Miezaka ny hahita mpino fotsiny Izzy, izay ihany, afaka mahazo Izzy.

²³⁶ Nozaraina ny karatra fangataham-bavaka P, tahaka ny hoe Paoly. Ndao isika, aiza isika no... Eny, antsoina manomboka amin'ny iray. Iray, roa, telo, efatra, dimy, enina, fito, valo, sivy, folo, aoka izy ireo hitsangana *eto*, raha sitrakareo. Ny karatra fangataham-bavaka an'izy ireo P, tahaka ny hoe Paoly, ny iray ka hatramin'ny folo, mitsangàna *eto amin'ity* ilany ity, raha afaka mitsangana ianareo. Raha tsy afaka ianareo, dia haka olona hanampy anareo izahay. Folo; isa, roa, telo, efatra, dimy, enina, fito, valo... Eny àry, mbola misy roa. Valo, sivy, folo, eny àry. Folo ka hatramin'ny dimy ambin'ny folo, folo ka hatramin'ny dimy ambin'ny folo, mbola misy dimy izany. Dimy ambin'ny folo ka hatramin'ny roapolo, mitsangàna mba ho hitako ianareo; P, dimy ambin'ny folo ka hatramin'ny roapolo. Raha mitsangana ianareo; roapolo ka hatramin'ny dimy amby roapolo. Ndao jerentsika ankehitriny, na aiza ianareo na aiza. Ankehitriny aoka ny sisa amin'ny mpanatrika tena hanaja, minitira vitsy fotsiny. Izao no karatra fangataham-bavaka P, ka hatramin'ny dimy amby roapolo. Sa tsy izany? Dimy amby roapolo, iray ka hatramin'ny dimy amby roapolo.

²³⁷ Ankehitriny ny sisa rehetra aoka tena hanaja. Omeo an'Andriamanitra izany fanajana betsaka izany, omeo an'ny Hafatra. Ananan'Andriamanitra an'izany ianareo, mba handinika vetivety sy hanaja.

²³⁸ Ankehitriny dia heveriko fa efa nataon'izy ireo vonona ny olona. Ireo izay tsy... Raha manana karatra fangataham-bavaka izy ireo, ka tsy tafiditra an-daharana, dia ho hitan'izy ireo; ho lazain'izy ireo amiko izany afaka minitira vitsy, ary avy eo izy ireo dia...avy eo dia ho hitanay na olona marenina na olona tsy afaka.

²³⁹ Tsy fantatro hoe aiza izy ireo, ry sakaiza, ireto karatra fangataham-bavaka ireto. Tonga eto ilay tovolahy... [Manontany olona eo amin'ny lampihazo Rahalahy Branham hoe, "Iza no mizara azy ireto? Ianao ve, sa Billy? Billy?"—Mpand.] Rehefa tonga izy, dia mampifangaro an'ireto karatra ireto, teo anatrehanareo olona ireo, avy eo dia manome anareo karatra fangataham-bavaka anankiray; midina avy hatrany, miteny aminareo rehetra mba hipetraka, manome anareo karatra fangataham-bavaka anankiray. Hitanareo? Tsy fantattro hoe aiza izy ireo. Niezaka aho ny hanana an'io ankizy io eto ambony eto, hitanareo. Ary, ny sasany, izaho—izaho tsy mahalala ny, izaho—izaho tsy manana fomba hahafantarako an'izany. Ataoko fa Andriamanitra no manendry fotsiny an'ilay izy amin'ny fomba izay Tiany hanendrena azy tahaka izany.

²⁴⁰ Ankehitriny, ankehitriny ny sisa aminareo, izay tsy manana karatra fangataham-bavaka. Atsangano ny tànanareo, lazao hoe, "Tsy manana karatra fangataham-bavaka aho, nefo aho marary." Atsangano ny tànanareo, n'aiza n'aiza ato an-trano. Tsy ahoako na aiza ianareo na aiza, atsangano ny... Eny, tsy dia be olona loatra izany eto, ankehitriny. Eny, arak'izany, tsy dia ho lava loatra izany ny hivavahana ho an'ny laharam-bavaka rahampitso. Misy eo amin'ny roapolo ny eto, ankoatr'ireo izay mitsangana eto, izay marary.

²⁴¹ Tsara izany. Faly aho mahita anareo manaiky an'ilay izy tahaka an'izany. Manana finoana betsaka noho izay noeritreretiko hanananareo ianareo, angamba. Hitanareo? Hitanareo? Raha nanaiky ny fahasitrananareo ianareo, dia ario any ny karatrareo, hitahy anareo Andriamanitra. Izany no tena finoana marina. Tsy misy olona manatsotra tànana eo aminareo; ianareo no manatsotra tànana eo amin'i Kristy.

²⁴² Ankehitriny ianareo eto izao hariva izao, izany dia tsy mila ny ho ao anatin'ny laharam-bavaka, mino an'ity tantara ity ianareo. Tahaka an'ilay vehivavy izay nikasika ny rambon'Akanjony, dia nitodika Izy ary nahalala fa nikasika Azy izy, firy no mahatsiaro an'ilay tantara? Azo antoka, tsaroanareo.

²⁴³ Ankehitriny mino ve ianareo fa, Izy, ny Baiboly dia milaza ao amin'ny Hebreo 4, fa, "Izy no Mpisoronabe, ankehitriny izao,

izay mety ho kasihan’ny fahalementsika”? [Hoy ny fiangonana hoe, “Amena.”—Mpand.] Eny, raha Izy no tsy miova omaly, anio, ary mandrakizay, tsy hanao asa mitovy ve Izzy? [“Amena.”] Tsy efa nanao an’izany ve Izzy, isan’alina, teto? [“Amena.”] Firy no tao amin’ireo fivoriana hafa ka nahita Azy nanao an’izany? Atsangano fotsiny. [“Amena.”] Azo antoka. Hitanareo? Eran’izao tontolo izao! Fantany, Fantany ny momba anareo rehetra.

²⁴⁴ Ankehitriny jereo izay ezahako hatao. Firy no mahazo izay tiako hataonareo? Hitanareo? Tiako ianareo, tsy misy na iza na iza mametra-tanana aminareo, tiako ianareo, araka ny toko anankiray marina an’Andriamanitra, hanao hoe, “Jesosy Kristy, mino Anao aho. Manaiky Anao aho ankehitriny ho Mpanasitrana ahy. Manaiky Anao aho ankehitriny ho Mpnavotra ahy. Mino izany amin’ny foko rehetra aho, fa efa vita ny asany.” Avy eo dia hazony izany teny fikasana izany, hazony ny fanambaranareo ka mandrosoa miaraka amin’izany. Jereo izay miseho. Hitanareo? Jereo izay miseho. Hitanareo? Ankehitriny dia izay ilay ezahako mba hataonareo, ilay tena fomba izay natao mba hinoantsika.

²⁴⁵ Inona no nolazainao? [Misy olona miteny hoe, “Efatra sy sivy ambin’ny folo.”—Mpand.] Nomerao efatra, karatra fangataham-bavaka nomerao efatra sy nomerao sivy ambin’ny folo, no banga. Karatra fangataham-bavaka efatra. Jereo ny olona; jereo ny karatry ny eo akaikinareo. Karatra fangataham-bavaka nomerao efatra sy nomerao sivy ambin’ny folo. Eny àry, vetivety fotsiny, andraso. Hitanareo, raha tsy miantsio azy aho, dia hahazo fifandonana amin’izany aho, hitanareo. Inona no lazaina? Inona no lazaina? [“Efatra.”] Ianao ve no manana ny efatra? Ahoana ny amin’ny sivy... Tsy mbola misy sivy ambin’ny folo. Inona no lazaina? [“Plisy efatra.”] Mbola tsy ao foana ny karatra fangataham-bavaka nomerao efatra, na sivy ambin’ny folo. Raha misy olona manana an’ireo karatra ireo, raha mba afaka miditra ao amin’ny laharam-bavaka ianareo. Na, jereo, hitanareo, izany dia mety... manana... Manana karatra ve io zaza kely io? Amarino, tsy izy... Tsy ilay nomerao io. Manana karatra ve itsy ramatoa itsy, ao amin’itsy sezamisy kodiarana itsy? Amarino ny nomeraony. Iny ve-iny ve ny nomeraony? Ramatoa iray eo ambony fandriana, hah? Azon’izy ireo ilay izy. Izy ireo, ao daholo izany ankehitriny. Izay. Eny àry. Ankehitriny—ankehitriny, ianareo olona izay manana karatra fangataham-bavaka, dia hazony izy ireny. Hanao ny asa isika, amin’ny alalan’ny fahasoavan’Andriamanitra.

²⁴⁶ Ankehitriny, ry sakaiza, ity no alina farany izay hananantsika, rahampitso dia Alahady hariva, ndao isika hampangiana ny tenantsika. Ankehitriny raiso fotsiny ny tsy mino tsirairay izay anananareo sy izay—izay marary saina rehetra, dia ampatoria eo amin’ny gorodona izany, ary ataovy eo amboniny ny tongotrareo, arak’izany. Lazao hoe, “Tompo

Jesosy, hino Anao aho.” Firy no hanao an’izany? [Hoy ny fiangonana hoe, “Amena.”—Mpand.] Misaotra anareo. Hitahy anareo Andriamanitra.

²⁴⁷ Ankehitriny aoka tsy hisy handeha na iray aza. Tena mipetraha tsara, dia minoa. Aty dinihina, ary ankehitriny jereo.

²⁴⁸ Ny fahafantarana an’Andriamanitra dia fantatra foana, afaka mahita mialoha hoe inona ilay izy, sy milaza hoe inona ilay izy, ahoana izy io, na ho inona izy io. Fantatsika izany. Izany no nahalalana an’ireo mpaminany. Izany no nahalalana an’i Jesosy ho Mesia. Ary mbola Izy ihany no Mesia tahaka ny naха-Izy Azy tamin’izany, tsy misy vatan’ny tena eto an-tany fotsiny. Naniraka ny Fanahiny hiverina Izy mba hampiasa ny vatanareo, ny vatako. Ankehitriny, mety tsy afaka ny hahavita an’izao ianareo. Fantatsika, ao amin’ny Soratra, fa nisy anankiray tao amin’ny taranaka iray. Saingy, hitanareo, kanefa mbola afaka mino izany ianareo, ary manana zavatra hafa izay mety ho vitanareo, ny tsirairay.

²⁴⁹ Ahoana moa raha manapa-kevitra ny rantsan-tànako hoe, satria tsy masoko ity, dia tsy ho rantsan-tànako intsony izy ity? Ahoana moa raha ity sandry ity no manao hoe, “Tsy hitsangana intsony aho, satria tsy maso aho, na sofina, tsy ho sandry aho”? Nahoana,ahasamponna ny vatako izany.

Ianareo dia izay ametrahan’Andriamanitra haha-izy anareo.

²⁵⁰ Impiry moa aho no nidera an’i Oral Roberts, Billy Graham, Tommy Osborn!

²⁵¹ Ny sasany tamin’ireo lehilahy dia nandeha tao ka nanao hoe, “Voninahitra ho an’Andriamanitra! Inoako izany!” Finoana mamikitra. Mandeha eo, mivoaka madio fotsiny arak’izay azon’izy ireo atao.

²⁵² Nitsangana teo i Billy Graham niaraka tamin’ny hafatra anankiray, ary niteny tamin’ny olona minitra vitsivitsy, manao hoe, “Raiso ny fanapahan-kevitrareo; mankanesa ety amin’ny alitara.” Mijoro eo fotsiny, tsy mameila ny hafa hihetsiketsika.

Hoy izy hoe, “Koa nahoana no manao an’izany ianao, ry Billy?”

²⁵³ Hoy aho, “Ny hafatro dia mandeha mandroso. Avy amin’Andriamanitra izany.” Marina izany.

²⁵⁴ Ao amin’io fiangonan’i Sodoma io izy, tena araka izay natao hisy azy mihitsy. Ny anarany mifarana amin’ny h-a-m avy amin’ny Abrahama, litera enina; Abrahama dia fito. Jereo ny irak’izany fiangonana izany, tany Babylona? Izany tokoa. Tsy nisy olona teo amin’ny firenena nahatazona an’io hafatry ny fibebahana io, tahaka an’i Billy Graham. Mifahatra amin’izany izy. Miala avy eo, dia mandeha mihinana hena endasina anankiray dia mandeha matory, misotro ronono malta. Marina izany.

²⁵⁵ Ary rehefa mitsangana ianareo ka miady amin'ny devoly! Indray mandeha teo amin'ny Long Beach, Rahalahy Jack sy izaho... Ny razanareo nitsangana teo.

²⁵⁶ Ary nitsangana teo Atoa. Fuller, Charles Fuller, rahalahy mahafinaritra, nitsangana teo nitory teny. Tokony ho roa na telo arivo ny olona nitsangana teo tamin'io tolakandro io. Nipetraka izahay ka nihaino tao amin'ny favoriany. Nanofa an'ilay trano favoriana aho, taoriany. Ary nitsangana teo izy ka nanao resaka nahafinaritra. Ka hoy izy, "Misy olona ve eto te-hanaiky an'i Kristy?" Olona roa na telo no tonga teo ho an'ny fanolorana ny zanany. Vehivavy anankiray no nilaza fa te-hanaiky an'izany izy. Niakatra teo dia nanonona vavaka fohy, ny iray tamin'ireo diakona, niverina dia nipetraka. Nandray tanana, nihodina dia nivoaka. Teo ilay manam-pahaizany, vondron'olona tsara akanjo, nivoaka avy teo.

²⁵⁷ Indro niditra ny ahy, palitaon'adala, sezà bory, jamba, mandringa, kilemaina, sembana. Rehefa manatrika zavatra toy izany ny finoanareo!

²⁵⁸ Ankehitriny eto, inona no hilazako an'i Kristy? Ary ankehitriny ireo tsy mino mipetraka manodidina eto, miandry ny hahita tsiny anankiray, hitanareo, miezaka hahita tsiny anankiray fotsiny.

²⁵⁹ Tsarovy, teo vao tsy ela akory izay tany Toronto, nijoro teo izahay nitory teny, nivavaka ho an'ny marary. Nahatsapa fanahy hafahafa anankiray aho; nipetraka teo amin'ny ankaviako teo izany. Nijery tsara azy aho. Nisy lehilahy anankiray nipetraka teo, nisy andian'olona anankiray nanakarama azy hiditra teo mba hampiasa ny herin'ny maso amiko. Nandeha tany amin'ny tobin-tafika izy ary nanao an'ireo miaramila handady amin'ny tanany ary nivovo tahaka ny alika, sy ny sisa; hypnotisma. Tsapako izany fanahy ratsy izany. Tsy fantatro hoe avy taiza izy io. Nijery tsara aho. Nahita an'ilay aloka maity aho. Niandry minitra vitsy fotsiny aho. Hoy aho hoe, "Ianao ry zanak'i Satana, nahoana ny devoly no nanajamba ny fisainanao ho amin'ny zavatra toy izany? Satria tonga ianao haka ny toeran'Andriamanitra, hihaika ny Fanahin'Andriamanitra, ho fehezin'izy ireo ianao miala eto." Teo no ho eo izy dia nalemy teo amin'ny sezany ary mbola malemy foana. Hitanareo?

²⁶⁰ Tsy milalao fiangonana isika. Firy no tao amin'ny favoriana ka mahita zavatra mitovitovy amin'izany miseho, fantatrareo ve ny zavatra izay mitranga? Azo antoka. Marina izany. Tsarovy, aoka—aoka hanaja.

Ankehitriny ity, no heveriko, fa ny olona voalohany. Marina ve izany?

²⁶¹ Ankehitriny, jereo, nitory teny aho, nilaza marina taminareo hoe inona no mety hiseho amin'izao andro izao. Ankehitriny dia izany no famantarana anankiray, raha miseho ilay izy. Izany

ilay famantarana, koa dia hinoy ilay Feo izay manaraka an'ilay famantarana. Hitanareo?

²⁶² Ankehitriny ity misy vehivavy anankiray. Marina tokoa, ho anareo vahiny vao tonga, izao no Masindahy Jaona 4, rehefa nihaona tamin'ny vehivavy anankiray teo amin'ny fantsakana Jesosy Tompontsika. Tsy mbola nihaona mihitsy izy ireo tany aloha, teo amin'ny fiainana, ary Nolazainy an'ilay vehivavy hoe inona ilay olany. Ary nanaiky izy fa izany no Mesia. Fantatrareo ve ilay tantara? Indro eto indray izany, mihaona ny lehilahy anankiray sy vehivavy. Ankehitriny tsy izy akory ilay vehivavy, ary tsy izaho ilay Lehilahy, fa izany dia mbola ilay Andriamanitra tsy miova. Hitanareo? Ankehitriny, hoy Jesosy hoe, "Ny asa izay Ataoko no hataonareo koa," Masindahy Jaona 14:12.

²⁶³ Ankehitriny, ramatoa, tsy mahalala anao aho, tsy mahalala mihitsy aho hoe inona no hijoroanao eto. Mety ho olana aratokantrano izany. Mety ho an'olona hafa izany. Angamba ianao no marary. Angamba izany dia... Angamba mitsangana eo ianao, mikarakara zavatra fotsiny. Raha izany, dia aoka hahita fotsiny izay miseho. Hitanao? Angamba nanao ny tenanao ho zavatra ianao. Na inona izany na inona, izaho tsy... Mety ho lasa mpino anankiray tena izy ianao. Izany dia tsy fantatro, fa Andriamanitra mahafantatra. Ary ianao no hahafantatra na nilaza taminao ny marina Izy na tsia, tsy izany ve? Raha marina ilay izy, dia ianao no hahafantatra an'izany.

²⁶⁴ Ankehitriny, jereo, izany no tokony ho finoanareo. Ahoana no nitiavanareo ho tonga eto? Ankehitriny raha misy olona mino fa diso ilay izy, tongava ianareo eto dia alaivo ity marary ity, tongava eto dia alaivo ny sisa amin'izy ireo. Fa raha tsy hanao an'izany kosa ianareo, dia aza manameloka ahy àry. Hitanareo?

²⁶⁵ Ankehitriny mijere aty, ranabavy, vetivety fotsiny. Ankehitriny tsy mahalala aho, na inona na inona momba anao. Vehivavy anankiray mijoro eto fotsiny ianao.

²⁶⁶ Ankehitriny raha ny Tompo Jesosy Kristy, ilay Zanak'Andriamanitra, Izay noporofoiko tamin'ny alàlan'ny Baiboly, no nampantanena fa hiverina Izy amin'ny andro farany ka hanambara ny Tenany amin'ny fahafenoan'ny Fanahiny Masina.

²⁶⁷ Tahaka ny niakaran'ilay Fianganana fotsiny; tahaka ny nahatongavan'izany avy tamin'ny olombelona anankiray, avy amin'ny tongotra foana, miakatra eo amin'ny fe, tonga eo amin'ny loha, ary ny loha no lohan'ilay vatana. Ary ilay Vatana dia niakatra, nanomboka teo amin'ny Fianganana voalohany foana aloha, dia niakatra hatrany, teo amin'io, teo amin'ilay fanavaozana, niakatra hatramin'izao. Tonga amin'ny alàlan'ny fanamarinana izany, fanamasinana, batisan'ny Fanahiny Masina. Ankehitriny izany dia ilay Loha (Kristy)

tonga eo amin'ilay Vatana, ilay Vatan'i Kristy. Izy no ilay Tokana Izay mahafantatra. Ny tanako dia tsy mahay miasa, amin'ny alàlan'ny lohako fotsiny. Fa Izy no ilay Tokana Izay mahafantatra, izany no anton'ny hoe Izy no Teny.

²⁶⁸ Tsy izaho no Teny. Olona anankiray aho. Fa, hitanareo, Izy no mampiasa an'ity vatana ity. Satria, maty Izy mba hanamasina an'ity vatana ity, mba Hahafahany mampiasa azy ity, sy manome fanomezam-pahasoavana anankiray. Tahaka ny hoe misintona an'ilay izy tsy hifandraisian'ny nifinifin'ny kodia, avy eo dia ny Fanahy Masina no maka toerana.

²⁶⁹ Koa, raha mamaritra Izy na milaza aminao izay nataonao, izay maha-eto anao, na zavatra mikasika anao, dia hino izany ianao. Ary ny mpanatrika ve hino toy izany? [Hoy ny fiangonana hoe, "Amena."—Mpand.] Enga anie ny Tompo Andriamanitra hanaiky an'izany.

²⁷⁰ Ankehitriny raisiko ny fanahy rehetra, izay eto, ho eo ambanin'ny fifehezako, ho an'ny voninahitr'Andriamanitra. Ankehitriny mipetraha tsara. Aza mandehandeha.

²⁷¹ Mijere aty, vetivety fotsiny. "Mijere ahy," araka ny nolazain'i Petera sy Jaona, izay nandeha teo amin'ilay vavahady. Amin'ny teny hafa, dia aoka hitandrina fotsiny izay lazaiko. Hitanareo?

Nametraka fanontaniana fohy tamin'ilay vehivavy Jesosy.
"Omeo Aho ho sotroiko."

²⁷² Hitanareo, efa nitory aho, zavatra toy izany. Ny Ray no naniraka ahy eto ambony eto ho—ho an'ny Baton Rouge. Eto aho.

²⁷³ Ny Ray no nilaza fa mila mandalo ao Samaria Izy. Nipetraka tao Izy. Ary vehivavy anankiray no tonga voalohany teo Aminy. Nanao an'ilay famantarana tokana Izy ho an'io vehivavy io, ary nibebaka ny tanàna manontolo. Inona no fahasamihafan'izany . . .

²⁷⁴ Mieritreritra ve ianareo, raha hanao zavatra mitovy amin'izany Izy, izao hariva izao, dia mieritreritra ve ianareo fa ny Baton Rouge rehetra dia hibebaka? Manahy an'izany aho, ary ianareo? Tena manahy tokoa aho. Saingy eo amin'ny andro farany isika, rehefa ny ratsy dia mbola ratsy lavitra noho izay fantatra rehetra.

²⁷⁵ Ankehitriny ireo momba anao. Eto ianao mba hivavahana. Tena marina. Ary ianao dia mijaly noho ny aretin-tenda. Raha marina izany, dia atsangano ny tànanao. Tsy izany ihany, fa misy olona anankiray izay ivavahanao. Ankizy anankiray io, ary io ankizy io dia manana aretin-tenda. Ary aretina ao amin'ny tendan'ilay ankizy izany, fivontosana ao amin'ny tenda io. Mino ve ianao fa Andriamanitra dia hanasitrana azy, ihany koa? Iny mosara izay eny an-tànanao iny, izay natsanganao tamin'Andriamanitra, no vavolombelona anankiray. Aza misalasala an'izany ankehitriny. Mandehàna

dia apetraho eo amin'ilay zaza ilay mosara. Aza misalasala, amin'ny fonao rehetra. Hanasitrana anareo roa Andriamanitra ary hanao anareo ho tsara. [Hoy ilay anabavy hoe, "Deraina Izy! Haleloia!"—Mpand.] Vitanao ve izany? ["Jesosy! Misaotra Anao, Jesosy!"] Mandehàna àry, ary ny Tompo homba anao. ["Voninahitra ho an'Andriamanitra! Haleloia!"]

Manao ahoana ianao? Isika tsy mifankahalala, ihany koa.

²⁷⁶ Mino ve ianareo? [Hoy ny fiangonana hoe, "Amena."—Mpand.] Izany no famantarana. Ankehitriny ny Feo, dia, "Miverena amin'ny Teny!"

²⁷⁷ Tsy mahafantatra anao aho; Izy no mahafantatra. Raha hilaza zavatra amiko ny momba anao Izy, dia hino ve ianao fa ilay Teny izay nolazaiko dia ho voamarina? Izao no—izao no fanamarinana an'Izany. Hitanao? Nilaza aho fa Nataony izany; izany no maminany. Ankehitriny raha miseho ny faminaniana, dia hoy Izy hoe, "Henoy izany."

²⁷⁸ Manana aretina taitaitra fatratra ianao ka izany no mampijaly anao, fahataitairana. Ary ianao dia misy fivontosana iray, ary ilay fivontosana dia ao amin'ny tongotrao. Marina izany, sa tsia? [Hoy ilay anabavy hoe, "Eny."—Mpand.] Ankehitriny mino ve ianao? ["Eny, tomopoko."] Koa ndeha zory ny lèlanao, dia minoa. Ary, arakaraky ny hinoanao, no hahatanteraka izany aminao.

²⁷⁹ Manao ahoana ianao? Tsy mahafantatra anao aho, fa Andriamanitra no mahafantatra anao. Mino ve ianao fa azon'Andriamanitra lazaina ahy ny olanao? Mijere aty amiko. Manana olana ianao. Saingy ho an'olon-kafa no hitsangananao eto, ary izany dia ny anankiray amin'izay notezaina niaraka taminao. Anabavy anankiray io. Marina izany. Ankehitriny mino ve ianao fa azon'Andriamanitra lazaina ahy izay tsy mety amin'io anabavinao io? Hanaiky an'izany ve ianao? Manana aretim-po izy. Marina izany. Mino ve ianao fa ho sitrana izy ankehitriny? Noho izany, araka ny finoanao, dia ho tanteraka aminao izany.

²⁸⁰ Avia, ramatoa. Manao ahoana ianao? Raha afaka hilaza amiko Andriamanitra ny amin'izay aretinao, na izay nataonao, na zavatra anankiray, hahatonga anao hino ve izany? Fantatrao fa izaho dia... Izaho—izaho—izaho tsy mahafantatra anao. Izany dia ny Toetrany manondro ny Tenany ato amiko, araka ny Teny izay Nampanantenainy. [Hoy ilay anabavy hoe, "Hino izany fotsiny aho."—Mpand.] Mino an'izany ve ianao? ["Eny. Amen."]

²⁸¹ Olona hafa ianao, ianao dia manana aretina tahaka ny vehivavy mitovy taona aminao, saingy ny tena eritreritrap dia momba ny olon-kafa. Ny fanirianao amin'Andriamanitra; ianao dia mitady an'Andriamanitra tsy ho anao manokana, fa ho an'ny olon-kafa, lehilahy izy io. Ny vadinao izany. Ary manana aretim-po izy. Mino ve ianao fa Izy dia... Hanasitrana azy

Andriamanitra? Mandehàna, minoa an'izany. Ary, arakaraky ny inoanao, no hahatanteraka izany aminao.

²⁸² Ankehitriny, hitanareo, ny toriteny rehetra, ho an'ity ora ity no nitoriko. Izany, na inona na inona ilay izy, telo na efatra izay ny olona efa nandalo, ankehitriny dia tsy mahatsangana maharitra eto aho. Hitanareo? Hitanareo, ny olona maro manontolo fotsiny dia tahaka ny tondra-dronono, manodidina eto. Hitanareo? Hoy Jesosy hoe, "Nisy hery niala Tamiko." Ary raha vehivavy anankiray, nikasika ny Fitafiany, no nahafaka hery tao Aminy, nefà Izy ilay Zanak'Andriamanitra; ahoana ny amiko, mpanota anankiray voavonjy noho ny Fahaovany?

²⁸³ Hoy Izy hoe, "Ny zavatra izay Ataoko no hataonareo koa. *Betsaka* noho izany aza no hataonareo." Fantatro fa ny King James no milaza hoe, "lehibe." Saingy raha maka ny fandikana tany am-boalohany ianareo, manao hoe, "*Betsaka* noho izany aza no hataonareo." Tsy misy afaka hanao lehibe. Nanangana ny maty Izy, nampijanona ny natiora Izy, ary nanao ny zavatra rehetra. Saingy hoy Izy hoe, "*Betsaka* noho izany no hataonareo, satria Aho mankany amin'ny Ray."

²⁸⁴ "Tsy hahita Ahy izao tontolo izao; fa ianareo no hahita Ahy, satria Izaho..." Jereo, "Izaho," izaho—izaho dia mpanondro tena. "Izaho homba anareo, ho ao aminareo mihitsy aza." Noho izany, tsy ilay olona izany. Kristy izany.

²⁸⁵ Miteny izany aho, karazana fanetsiketsehana kely ny tenako, karazana famerenana ny tenako. Miala amin'ilay faritra ianareo mandra-pahafaka kelikely... Ilay izy tsy ianareo rehefa *ery* ambony ery, na *eto* ambany eto; eo anelanelany ilay izy. Firy no mahazo an'izany? Fantattro fa ianareo—ianareo dia mieritreritra fa mahazo ianareo. Izaho, ihany koa.

²⁸⁶ Efa mba fantatrareo ve fa ny poetry sy ny mpaminany dia olona marary saina foana? Firy no mahafantatra an'izany?

²⁸⁷ Firy no efa namaky ny William Cowper, ilay poetry Anglisy malaza? Fantatrareo, nanoratra ny, "Misy loharano iray feno Rà, nosintonina avy tao amin'ny lâlan-dràn'i Imanoela." Rehefa avy nanoratra an'izany hira izany izy, mba renareo ve izay nanjo azy? Nitsangana teo akaikin'ny fasany aho vao tsy ela akory izay. Nanandrana namono tena izy, ary maty an-drano tao amin'ilay renirano.

²⁸⁸ Firy no mba efa nandre an'i Stephen Foster, nanome an'i Amerika ny hira vakodrazany tsara indrindra? Tao amin'ny lohany no nananany an'izany fa tsy tao amin'ny fony. Isaky ny nandona azy ny tsindrimandry, dia nanoratra ny hira izy. Avy eo rehefa miala aminy ilay tsindrimandry, dia tsy fantany izay hanaovany ny tenany, ary very izy. Izy—izy—izy dia lasa mpisotro. Ary farany rehefa nanomboka nivoaka tao amin'ilay tsindrimandry izy, dia niantso mpiasa an-trano anankiray, ary naka hareza dia namono tena. Marina izany.

²⁸⁹ Jereo Elia, ilay mpaminany. Niakatra tany izy dia niantso afo avy any an-danitra; niantso orana avy any an-danitra tamin'ny andro voalohany; dia nanidy ny lanitra ary nanao an'izany rehetra izany. Avy eo rehefa niala taminy ilay tsindrimandry, dia lasa nandeha nankany an-efitra izy ary naniry ho faty. Ary hitan'Andriamanitra izy, efapolo andro taty aoriana, niverina nisitrika tao anatin'ny zohy. Marina izany?

²⁹⁰ Jereo Jona, ilay mpaminany. Rehefa avy nanome ny hafany, dia lasa izy niakatra ary nipetraka teo amin'ny havoana, nangataka tamin'Andriamanitra mba hamela azy ho faty. Ah-hah. "Aoka ny mpanomponao handeha am-piadanana."

²⁹¹ Tsy azon'ny olona izany. Tsia, tsia, ianareeo tsy hahazo. Na izaho aza tsy mahay manazava an'izany, na olona hafa. Tsy hainareo hazavaina Andriamanitra. Andriamanitra dia tsy fantatra amin'ny alàlan'ny fikarohana siantifika. Andriamanitra dia fantatra amin'ny alàlan'ny finoana. Mino Azy isika. Ahoana no hahaizanareo manazava? Ahoana no haha-finoana azy, raha izany? Isika dia mahafantatra an'Andriamanitra amin'ny alàlan'ny finoana.

²⁹² Ny fiangonana dia tsy hahafantatra mihitsy ny asa sy ny hasasarana, ary ny fandrika sy ny fizahan-toetra, izay niezaka nitondra an'Ity, ny Hafatra. Izy no mahafantatra. Ny valisoako dia tsy avy amin'ny olona.

²⁹³ Mijere aty, ramatoa. Eny, haingana. Io vehivavy io dia alofan'ny fahafatesana. Andriamanitra tsy tonga avy hatrany eo amin'ilay vehivavy, izaho no mahita... Tsy hitanareo ve io fahamaintisana mihantona manodidina azy io? Ho faty izy, tena azo antoka tahaka an'izao tontolo izao. Teto vao tsy ela akory izay, dia nahazo ny sarin'ny zavatra tahaka an'izao izy ireo, ary nentiny tany an-trano. Nisy aloka mainty nihantona teo akaikiny. Alofan'ny fahafatesana izy.

²⁹⁴ I ramatoa kely dia natao fandidiana anankiray. Ary tao amin'io fandidiana io, dia nandidy homamiadana izy ireo. Ary ankehitriny dia tratry ny olana izy, ireny karazan'ny—ny, eny, fahasaratana fotsiny. Zavatra anankiray, reraka loatra ianao ka tsy afaka mitsangana. Zavatra hafa koa, dia misy nana mandalo avy ao amin'ilay tatavia. Ankehitriny, dia ianao ihany no hahita fa tsy miteniteny zavatra fotsiny aho. Hitana? Marina izany. Saingy, ramatoa, niezaka ilay dokotera. Mankasitraka azy aho ny amin'izany. Saingy, fanafana anankiray izy, fa Andriamanitra no fanasitranana. Ho faty tahaka an'izany ianao. Nanome izay rehetra azony natao izy. Mino ve ianao? [Niteny ilay anabavy hoe, "Eny."—Mpand.] Avia eto, vetivety fotsiny.

²⁹⁵ Amin'ny alàlan'ny iraka nomena ahy avy tamin'Andriamanitra Tsitoha, nambara tamiko tamin'ny alàlan'ny Anjely anankiray, izay manatrika eto ankehitriny ao amin'ny endrika Andry Afo anankiray, dia manameloka

an'io devoly io aho izay naka ny ain'ity vehivavy ity. Amin'ny Anaran'i Jesosy Kristy. Amena.

Mandehàna, minoa ankehitriny. Miaraka amin'izay rehetra ao aminao, minoa.

²⁹⁶ Manana aretina anankiray izay mamono olona betsaka kokoa noho ny zavatra hafa ianao, aretim-po. Milaza izy ireo fa izany no aretina laharana voalohany, fa tsy izany no izy, tompoko. Ny ota no aretin'ny finoana laharana voalohany. Mino ve ianao fa afaka manasitrana an'io fo io Izy ka hanao anao ho tsara? [Hoy ilay rahalahy hoe, "Fantatro fa Vitany izany."—Mpand.] Noho izany mandehàna, minoa an'izany. Hitahy anao Andriamanitra.

²⁹⁷ Mihevitra ve ianao fa Andriamanitra dia afaka manasitrana ny lamosinao ka hanao anao ho tsara? Mino an'izany amin'ny fonao rehetra ve ianao? Mandehàna, minoa an'izany, ranabavy. Jereo izay mitranga aminao, ho tsara ianao.

²⁹⁸ Aretin-kozatra sy aretim-po. Saingy mino ianao fa mahay manao anao ho tsara Andriamanitra? [Hoy ilay anabavy hoe, "Mino aho."—Mpand.] Amin'ny fonao rehetra ve? ["Eny, tompoko."] Hanaiky an'izany ve ianao? ["Eny, tompoko."] Arak'izay ninoanao, dia toy izany koa ny fomba hahatanterahan'izany aminao. Ankehitriny mandehàna, minoa an'izany amin'ny fonao rehetra, dia hanao anao ho tsara Andriamanitra.

²⁹⁹ Ianao koa dia manana aretin-damosina. Mino ve ianao fa afaka hanao anao ho tsara Jesosy Kristy? [Hoy ilay anabavy hoe, "Eny, tompoko."—Mpand.] Mandehàna ankehitriny, minoa an'izany amin'ny fonao rehetra. Tsy mahay manasitrana anao aho, hitanao.

³⁰⁰ Harerahana, fahataitairana, ary ianao koa manana aretin-kozatra. Mino ve ianao fa afaka hanao anao ho tsara Andriamanitra, hanasitrana anao? Manaiky an'izany ve ianao? Mandehàna, dia minoa an'izany, àry.

³⁰¹ Mihazona anao hifoha izany mandrity ny fotoana maro, mikohaka. Fa Andriamanitra no manasitrana ny sohika. Mino izany ve ianao? [Hoy ilay rahalahy hoe, "Eny, tompoko."—Mpand.] Mino ve ianao fa hanao anao ho tsara Izy ankehitriny? ["Eny, tompoko."] Hitahy anao Andriamanitra. Misaotra anao, noho ny finoanao.

³⁰² Ahoana raha tsy hilaza teny anankiray aminao aho, hametraka ny tànako fotsiny aminao, hino ve ianao? [Hoy ilay rahalahy hoe, "Eny."—Mpand.] Avia eto. Mametraka ny tànako eo aminao aho, amin'ny Anaran'i Jesosy Kristy, ary enga anie ny aretin-kozatra hiala aminao. Niala ilay izy.

³⁰³ Avia. Avia, ranabavy. Mino ve ianao? [Hoy ilay anabavy hoe, "Eny, tompoko. Efa nositranin'ny Tompo mialoha

aho.”—Mpand.] Eny, mahafinaritra izany. [“Haleloia!”] Koa mandehàna hano àry ny lasopinao, ary ho tena tsara ny vavoninao. [“Haleloia! Haleloia! Haleloia!”]

³⁰⁴ Aretin-damosina betsaka, nanelingelina anao hatramin’ny ela izany. Mandehàna, minoa fa ianao dia... Mandehàna, mino fa ho tena tsara ianao, ary Andriamanitra no hanao an’izany ho anao. [Hoy ilay rahalahy hoe, “Manao Andriamanitra. Amena.”—Mpand.] Amena. Izany no izy. [“Deraina ny Tompo.”] Ny Tompo hitahy anao, rahalahy. Amena.

³⁰⁵ Tsinontsinona ny diabeta, amin’Andriamanitra manasitrana. Azony atao ho tsara ireny. Mino izany ve ianao? [Hoy ilay anabavy hoe, “Mino aho.”—Mpand.] Eny àry. Ekeo izany, ary mandehàna minoa Azy ankehitriny amin’ny fonao rehetra.

³⁰⁶ Ianao koa dia manana an’izany ao amin’ny rànao. Mino ve ianao fa hanao anao ho tsara Andriamanitra? Mandehàna, minoa amin’ny fonao rehetra, ary aoka ho tsara.

³⁰⁷ Mino ve ianao fa nanasitrana anao àry Izy raha namely anao izany? Nanasitrana Izy.

³⁰⁸ Aretin’ny ramatoa. Aretim-po. Mino izany va ianao? [Hoy ilay anabavy hoe, “Inoako izany.”—Mpand.] Mandehàna, aoka—aoka ho sitrana amin’ny Anaran’i Jesosy.

³⁰⁹ Mino ianao fa Andriamanitra hanao ny lamosinao ho tsara, ireo voanao dia ho... Tahiana ianao! Mandehàna tsara fotsiny.

Izaho tsy manasitrana. Tsy mahay manasitrana aho. Izaho tsy mpanasitrana.

³¹⁰ Ahoana ny hevitrao rehefa nilaza ny momba ny lamosiny Izy, mino ve ianao fa ny anao dia ho tsara, ihany koa? Eny àry, mandehàna fotsiny, mino an’izany, avy eo... Mandehàna minoa an’izany fotsiny, amin’ny fonao rehetra.

³¹¹ Ny anao koa, mino ve ianao fa Andriamanitra manao anao ho tsara? Mandehàna, minoa an’izany, amin’ny fonao rehetra. Hanaiky an’izany Andriamanitra raha toa ianao... Tokony hino an’izany ianao, na izany aza.

³¹² Mino ve ianao fa Andriamanitra hanao anao ho tsara, ihany koa? [Hoy ilay anabavy hoe, “Deraina ny Tompo! Azo antoka fa mino aho.”—Mpand.] Eny àry. Andriamanitra hitahy anao. Mandehàna mahitsy fotsiny ary minoa amin’ny fonao rehetra.

³¹³ Avia, tompoke. Zavatra fotsifotsy indray mitete mikoriana midina. Ny fitiliana an’izany dia nampiseho diabeta. [Hoy ilay rahalahy hoe, “Diabeta.”—Mpand.] Mino ve ianao fa hanao anao ho tsara Izy? Ndao isika ho any Kalvary ho an’ny famindràna rà ankehitriny. Amin’ny alàlan’ny finoana, amin’ny Anaran’i Jesosy Kristy, enga anie izy ho sitrana. Amena. Andriamanitra hitahy anao, rahalahy. Mino amin’ny fonao rehetra. Mino ve ianao? [“Tena marina tokoa.”]

³¹⁴ Ahoana ny sasany aminareo ao amin'ny mpanatrika ankehitriny? Mino amin'ny fonareo rehetra ve ianareo, fa Jesosy Kristy no tsy miova omaly, anio, ary mandrakizay? Mino an'izany ve ianareo? [Hoy ny fiangonana hoe, "Amena."—Mpand.]

³¹⁵ Ahoana ny amin'ny eto amin'ity faritra ity? Io ramatoa kely mipetraka io, mijery aty amiko mihitsy, mijaly amin'ny aretin'ny ramatoa, mino ve ianao fa Andriamanitra hanao anao ho tsara? Io manao akanjo ambony manga io mihitsy. Eny àry. Minoa ankehitriny, Jesosy Kristy no manao anao ho tsara. Tsotra fotsiny ilay izy.

³¹⁶ Io ramatoa mipetraka aorianao io, mainty volo. Hoy izy hoe, "Misaotra Anao, Tompo." Nisy zavatra nandona azy. Tsy fantany ho inona ilay Izy. Niala taminao ilay aretin'ny tatavia, iry mipetraka iry mihitsy, aorian'ilay ramatoa izay vao sitrana teo mihitsy. Raha mino amin'ny fonao rehetra ianao, ramatoa. Mino ianao? Eny àry, atsangano ny tànanao raha tianao ny hanaiky an'izany. Andriamanitra no manao anao ho tsara.

Ahoana ny amin'ity ambany eto ity, ny olona *ato* anatiny?

³¹⁷ Ery amin'ny mpanatrika aorianaa ery, ankehitriny aoka ho tena manaja. Aza mandehandeha. Hitanareo, ireo aretina dia hiala amin'ny anankiray ho any amin'ny iray hafa.

³¹⁸ Ahoana ny aminao, tompoko? Io lehilahy antitra mipetraka etsy amin'io sezà etsy io? Mino ve ianao? Mino ve ianao fa mahay manasitrana anao Andriamanitra? Aretin-kozatra, ary manana aretin-tratra ianao. Mino ve ianao fa Andriamanitra hanao an'izany ho tsara? Mino ianao? Eny àry, mety ho azonao izay angatahinao. "Raha mino ianao!"

³¹⁹ Ahoana ny hevitrao, ramatoa, mipetraka eo akaikiny io? Mino ve ianao, ihany koa? Mino ve ianao? Mino ve ianao fa azon'Andriamanitra lazaina amiko hoe inona ny aretinao? Tena lavitra be ahy ianao. Minoa Azy fotsiny ankehitriny. Mino ve ianao fa nilaza taminao ny Fahamarinana aho? Noho izany dia hidina ny tosi-drânao ambony. Mino izany ve ianao?

³²⁰ Ianao izay nanangana ny tànanao, ihany koa. Niezaka ny nampahery azy ianao. Mino ve ianao fa azon'Andriamanitra lazaina amiko hoe inona no... Finaritra ianao nanampy azy, ankehitriny dia ho finaritra Andriamanitra hanampy anao. Manana olana ara-panahy ianao izay nanelingelina anao. Raha marina izany, ahofahofao tahaka *izao* ny tànanao. Ho vita hatreo ny amin'io ankehitriny. Ataony mahitsy izany.

³²¹ Firy no mino? Firy aminareo no han-...izay tsy Kristiana, no manana ny—ny fahatsapana fa manatrika eto Jesosy Kristy, ka maniry hitsangana ankehitriny, hanao hoe, "Jesosy, te-hanondro ny tenako ho mpanota anankiray aho, hamela ahy noho ny fahotako ve Ianao?" Mitsangàna amin'ny tongotrareo. Andriamanitra hitahy anao, tompoko. Andriamanitra hitahy

anao. Andriamanitra hitahy anao. Andriamanitra hitahy anao. Andriamanitra hitahy anao. Andriamanitra hitahy anao. Izao no... Andriamanitra hitahy anao, ianao, ianao, ianao. Izao, mahita anareo Izy. Mametraka ny anaranareo eo Izy rehefa manao an'izany ianareo.

³²² Ny etsy amin'ny ambony rihana, mitsangàna, manao hoe, "Tompo Jesosy, tiako ny ho, tiako ny ho voatondro. Mila famindrampo ho an'ny fanahiko aho." Andriamanitra hitahy anao, tompoko. "Mila famindrampo aho, Tompo Jesosy."

³²³ Tsy afaka mahita ve ianao, sakaiza, fa Izy eto izany? Andriamanitra hitahy anao, ry lehilahy tanora. Andriamanitra hitahy anao. Andriamanitra hitahy anao, ry ramatoa tanora. Izao no zavatra lehibe indrindra ataonareo mandrakariva. Ankehitriny raha misy olona hafa izay tsy mbola nanao an'izany, mitsangàna, manao hoe, "Tiako ny ho voatondro, Tompo Jesosy. Manondro ny tenako aho, izao hariva izao."

³²⁴ "Izay hiaiky ny fahotany, no hahazo famindrampo. Izay manafina ny fahotany, no tsy hambinina."

³²⁵ Sitrakareo ve, ao amin'ny Fanatrehany? Andriamanitra hitahy anao, ramatoa. Tiako... Andriamanitra hitahy anao. Eny. Ary ny Tompo hitahy anao. Andriamanitra hitahy anao, tompoko. Andriamanitra hitahy anao, ramatoa. Ny Tompo hitahy anao.

³²⁶ Hoy ianareo hoe, "Midika zavatra anankiray ve izany?" Anelanelan'ny fahafatesana sy ny fiainana, izany ilay fahasamihafana.

³²⁷ Manaiky ny Fanatrehany eto ve ianareo? Manaiky an'izany ve ianareo? Mahatsapa an'izany ve ianareo? Hitanareo, mahita an'ilay Izy ianareo, mahita an'ilay Izy miasa ianareo. Izy izany. Izao mihitsy ilay Nolazainy fa Hataony. Mino izany ve ianareo? [Hoy ny fiangonana hoe, "Amena."—Mpand.]

³²⁸ Olona hafa hanao hoe, "Te-hanondro ny tenako ho mpanota anankiray aho, Tompo. Mamelà ahy noho ny fahotako Ianao ankehitriny." Raha efa mitsangana ianareo, dia atsangano fotsiny ny tanganareo. Ny sasany aminareo manodidina ny rindrina ireo, atsangano... Andriamanitra hitahy anao. Andriamanitra hitahy anao. Olona hafa hiteny, ery ambony rihana eny amin'ny farany, hanao hoe, "Te-hanondro ny tenako aho, Tompo Jesosy. Mangataka famindrampo aho, izao hariva izao, ao amin'ny Fanatrehao Masina, mino izany, ho ilay tena Andriamanitra izay hitsara ahy, eto ny Fanatrehany ankehitriny. Mahafantatra Izy fa Izy no miresaka amin'ny foko ary miteny amiko fa diso aho. Te-hitsangana aho ka hilaza fa diso aho. Miaiky ny fahadisoako aho. Manameloka ahy Ianao, ao amin'ny foko." Izay no antony nanajanonako ny laharam-bavaka. Andriamanitra hitahy anao. Andriamanitra hitahy anao.

³²⁹ Inona no neverinareo ho nanajanonako an'izany? Najanoko ilay izy satria fantattro fa tsy maintsy hiseho izany.

³³⁰ Ankehitriny, misy hafa eto, tsy hitsangana ve ianareo? Mitsangàna dia lazao fa misy Zavatra miresaka amin'ny fonareo, diso ianareo. Andriamanitra hitahy anao, tomponko. Andriamanitra hitahy anao. Andriamanitra hitahy anao. Andriamanitra hitahy anao. “Diso aho. Mamelà ahy, Tompo. Manondro ny tenako aho. Mitsangana aho, Tompo, ao amin'ny Fanatrehanao. Fantattro fa eto Ianao. Izaho... Tokony ho eto Ianao. Ianao no nilaza fa izao no—no zavatra Hataonao. Ankehitriny izaho dia... Hitako ny famantarana, ary fantattro fa nazavaina tamiko fa izany no natao ho famantaran'izao andro izao. Reko ilay Feo izay niantso indray ho amin'ny fibebahana. Inty aho, Tompo. Mino an'ilay famantarana aho. Reko ilay Feo.”

³³¹ Miresaka aminareo ilay Feo ankehitriny! Miverena, O ry niely! Miverena, O ry kintana mirenireny! Miverena, O ianareo izay nahataka! Miverena, izao hariva izao!

³³² Tsy hiverina ve ianareo? Mitsangana fotsiny dia lazao hoe, “Manondro ny tenako ho mpanota aho, mangataka famindrampo.” Hanao izany ve ianareo, ny olona hafa? Andriamanitra hitahy anao, ramatoa. Andriamanitra hitahy anao, iry ambony iry, zazalahy. Raha izaho no tsy mahita anareo, Izy hahita. Andriamanitra hitahy anao, ramatoa. Tena mahafinaritra izany. Tena mahafinaritra izany. Olona hafa? Raiso fotsiny... Te-hitazona minitra maharitra kely fotsiny aho, satria mbola mahatsapa enta-mavesatra kely aho eto, hitanareo. Olona hafa? Andriamanitra hitahy anao, ramatoa. Izany no fomba anaovana azy. Izany no izy. Ny olona hafa, “Te-hanondro ny tenako aho, mampitsangana ny tenako aho ka milaza fa diso aho. Mangataka famindrampo aho”? Hanao izany ve ianareo? Haingakaingana mihitsy mialohan’ny handehanantsika lavidavitra, mitsangàna dia manaoa hoe, “Te-hanondro ny tenako aho, Tompo Jesosy.” Andriamanitra hitahy anao, ramatoa tanora.

³³³ Fantatrareo, angamba mialohan’ny hodianareo, fa indray andro any na hafa dia hisy zavona mangatsiaka anankiray eo amin'ny tavanareo. Angamba indray maraina any dia ho tonga ny dokotera ka hitsapa ny fitempon'ny fonareo eo amin'ny tånan'akanjonareo, tsy hisy na inona na inona azo atao intsony. Amin'izay fotoana izay dia ho tsapanareo ireo onja mangatsiaka an'ny fahafatesana mitsinkafona eo amin'ny tavanareo. Ho tsaroanareo izay nataonareo.

³³⁴ Tsarovy, tsy hahavita handevona anareo lalina loatra izy ireo, tsy hahavita na inona na inona aminareo izy ireo. Andriamanitra no nampanantena hoe, “Hanangana anareo indray Aho, amin'ny andro farany.” Jereo. “Izay mandre ny Teniko ka mino Izay naniraka Ahy, no manana ny Fiaianana

Mandrakizay ary tsy ho tonga amin'ny Fitsarana, fa nifindra avy tamin'ny fahafatesana ho amin'ny Fiainana.” Aoka hisy olona hikosoka an’Izany raha vitanareo. Jesosy Kristy no nilaza an’Izany. “Izay mino Ahy, izany hoe, mahazo ny Teniko ka mino Izay naniraka Ahy, no manana ny Fiainana Mandrakizay, tsy ho tonga amin'ny Fitsarana mihitsy, fanamelohana, fa nifindra avy tamin'ny fahafatesana ho amin'ny Fiainana.” Satria, nino ny Zanakalahy tokan’Andriamanitra izy, izay natsangan’Andriamanitra, roa arivo taona lasa izay, ary velona eto, izao hariva izao, mampiseho ny Toetry ny Fitsanganany.

³³⁵ Hisy anankiray ve hitsangana, aorian’izany, anankiray hanao hoe, “Te-hanaiky an’Izany aho. Te-hanaiky Azy aho.” Andriamanitra hitahy. Andriamanitra hitahy anao. Tena mahafinaritra izany, ramatoa kely. Zavatra anankiray mihaja izany. Tiako ho marihinareo.

³³⁶ Nandinika antso teny amin'ny alitara anankiray aho, teto indray andro izay, nanatona ny olona, nitsako siligaoma, mifamely totohondry ny tery amin'ny sisiny.

³³⁷ Fa mba voamarikareo ve ilay fahatsoram-po teo amin'ny tavan’ireo olona ireo? Ireo vehivavy tanora ireo, na dia taorian’ny nanamelohana azy ireo aza mikasika ny volony tapaka, manao fandokoan-tarehy; miaraka amin'ilay fandokoan-tarehy, sy volo tapaka, nitsangana mitovy amin’izao mihitsy, “Mpanota aho. Mamindrà fo amiko, Andriamanitra.” Izany ilay Voa natory teo. Nitsambikimbikina teo amboniny teo ilay Hazavana, ary fantatr’izy ireo izay. Andriamanitra hitahy anao.

Ndoa isika hanondrika ny lohantsika ankehitriny.

³³⁸ Tiako ny mpino tsirairay eto, izay mitsangana eo akaikin’ny olona izay nijoro, hametraka ny tānany eo amin’izany olona izany, (sitrakareo ve?), ilay anankiray izay nijoro. Mitsangana eo akaikinareo izy ireo. Raha Kristiana anankiray ianareo, apetraho ny tānanareo, eo amin'ny anabavy, rahalahy, “Apetrako eo aminao ny tānako ankehitriny. Hivavaka aho.”

³³⁹ Ray An-danitra, indreo izy ireo eto izao hariva izao izay—izay mino Anao. “Ny voa sasany nilatsaka teny amorondàlana,” hoy Ianao hoe, “tonga ny vorona ka nandany azy. Ny sasany latsaka teny amin’ny tany be vato, sy songosongo ary tsilo. Fa ny sasany kosa nilatsaka tao amin'ny tsara, tany mahavokatra.” Ary ny Fanatrehanao izay eto, izao hariva izao, no nandresy lahatra ny maro eto izao hariva izao fa Ianao no Zanak’Andriamanitra, ary velona mandrakizay mandrakizay Ianao. Ary Ianao no nampanantena hoe, satria velona Ianao, dia velona koa izahay.

³⁴⁰ Tompo Jesosy, mitsangana izy ireo ary mijoro ho vavolombelona fa mino Anao izy ireo. Ankehitriny, Tompo, fantatro fa hitsangana ho azy ireo Ianao amin’izany Andro izany. Ekeo izany, Tompo. Atolotro Anao izy ireo, amin'ny

Anaran'i Jesosy Kristy. Enga anie izy ireo handeha any amin'ny fiangonana tsara ka hatao batisa amin'ny batisa Kristiana. Enga anie izy ireo hikambana amin'ny vondrona mpino tsara anankiray. Enga anie izy ireo ho feno ny Fanahy Masina. Enga anie izy ireo ho mari-pandresen'ny Filazantsara, vatosoa eo amin'ny Satroboninahitrapa amin'izany Andro izany. Ary raha tsy hahita azy ireo intsony indray aho amin'ity lafiny ity amin'izany Andro lehibe izany, enga anie aho hahita azy ireo amin'ilay Andro tahaka ny tao amin'ilay fahitana, nanao hoe, "Tsy mahatadidy ahy ve ianareo? Tao amin'ilay Baton Rouge, tamin'izany hariva izany, no nijoroako." Ekeo izany, Ray. Anao izy ireo, noho ny Anaran'i Kristy.

³⁴¹ Indro, mipetraka eto anoloako eto, baoritra iray misy mosara, kiraro kely, kiraro lava, mosara, sy akanjo, ary aron'akanjo. Nampianarina izahay, ao amin'ny Baiboly, fa nalain'izy ireo teo amin'ny vatan'i Masindahy Paoly, ny mosara sy aron'akanjo, dia nivoaka avy tao amin'ny olona ireo fanahy maloto. Ankehitriny, Ray, fantatratra fa tsy i Masindahy Paoly izahay, saingy Ianao kosa no Andriamanitra tsy miova, koa mivavaka aho mba Hanomezanao valiny mitovy, fa mino amin'ny fahatsoram-po ity taranaka ity. Tsy nino an'i Paoly mihitsy izy ireo satria hoe Paoly izy; nino an'i Paoly izy ireo satria Ianao no nanondro ny Tenanao niaraka tamin'i Paoly. Ankehitriny dia mino ny zavatra mitovy amin'izany izy ireo izao hariva izao, Tompo, fa voatondro teo aminay Ianao, izao hariva izao. Ary indray andro any, milaza izahay ny . . .

³⁴² Mpanoratra anankiray no nilaza taminay, fa, "Teny amin'ny lâlany ho any amin'ilay tany nampanantenana Isirael, ary teo amin'ilay lâlana ny Ranomasina Mena, mba hanakana azy ireo tsy ho any amin'ny tany nampanantenaina." Hoy ilay mpanoratra hoe, fa, "Nijery ambany Andriamanitra tamin'ny alâlan'ilay Andry Afo, miaraka amin'ny maso tezitra, rehefa nihetsika teo ambonin'Isirael Izany. Io no nanao fahajambana, fahamaizinana ho an'ireo tsy mino, fa hazavana ho an'Isirael. Ary rehefa teo amin'ny lâlana io Ranomasina Mena io, dia natahotra izy, nihorona izy, ka niampita nankany amin'ilay tany nampanantenaina teo ambonin'ny tany maina Isirael."

³⁴³ Tompo Andriamanitra, mijere ambany izao hariva izao, amin'ny alâlan'ny Rân'i Jesosy Kristy, Zanakao. Raha mametraka ny tânako eo amin'ireto mosara ireto aho; rehefa apetraka eo amin'ny marary izy ireo, dia enga anie ny Fanahy Masina, Tompo, hijery an'ilay olona, ary enga anie hiala aminy ny aretina, ary enga anie izy ireo hiampita ao amin'ilay tanin'ny fahasalamana tsara sy tanjaka. Izany, hoy ny Baiboly hoe, "Ambonin'ny zavatra rehetra," izay nирin'izy ireo dia izahay "hambinina ao anatin'ny fahasalamana." Ekeo izany, Tompo. Alefako izy ireo, amin'ny Anaran'i Jesosy Kristy. Amena.

...ahy harahiko,
 Izay Itarihiny...(ndao isika hihira fotsiny)...
 harahiko,
 Hiaraka Aminy aho, (ankehitriny eto ny
 Fanatrehany, ndao isika hanompo Azy amin'ny
 hira, moramora), hatramin'ny farany.

³⁴⁴ Vitanareo ve ny mihira azy tena tahaka an'izany mihitsy?

Izay Itarihiny ahy dia harahiko,
 Izay Itarihiny ahy dia harahiko,
 Izay Itarihiny ahy dia harahiko,
 Handeha aho (raha sitrakareo, ankehitriny dia
 atsangano ny tànanareo), miaraka Aminy
 hatramin'ny farany.

Ndao isika hitsangana ankehitriny, atsangano indray ny
 tànanareo.

...Aminy ao amin'ilay saha,

³⁴⁵ Ny tsirairay mihirà ao amin'ny Fanahy ankehitriny.
 Famaranana tanteraka ny Hafatra. Ndao isika hanompo Azy ao
 amin'ny Fanatrehany. Tiany ny tomponia.

...ilay saha,

Hiaraka Aminy aho ao amin'ilay saha,
 Hiaraka Aminy aho, miaraka aminy hatramin'ny
 farany.

³⁴⁶ Ndao ataontsika hira an'orona izany. "Izaho afaka..."
 Ankehitriny raha manao an'izany ianareo, dia tiako ianareo
 hifandray tànana amin'ny olona, hanao hoe, "Andriamanitra
 hitahy anao, ry mpivahiny. Andriamanitra hitahy anao, ry
 mpivahiny," tahaka an'izany. Iray isika miaraka amin'ny iray
 hafa. Metodista, sy Batista, Presbyterana, Pentekotista, ny
 rehetra mifandray tànana amin'ny iray hafa. "Andriamanitra
 hitahy anao, ry mpivahiny." Izany isika: mpivahiny.

...ilay saha,

³⁴⁷ Andriamanitra hitahy anao, ry mpivahiny. Andriamanitra
 hitahy anao. [Manohy mandray tànana Rahalahy Branham sy ny
 fiangonana. Elanelana tsy voaraki-peo—Mpand.]

...ilay saha,

Ankehitriny atsangano ny tànanareo

Hiaraka Aminy aho, miaraka Aminy hatramin'ny
 farany.

³⁴⁸ Ndao isika hanondrika ny lohantsika, am-panetre-tena,
 amin'ny vavaka. Aza adino, amin'ny maraina, sekoly Alahady.

³⁴⁹ Na manao ahoana na ahoana, mahatsapa fotsiny ny
 Fanatrehan'Andriamanitra ho tena misy aho ato amin'ny foko.
 Sarotra ho ahy fotsiny ny mandao, izao hariva izao, na manao
 ahoana. Tsapako fa faly ny Fanahy Masina, izao hariva izao.

Hanana fivoriana lehibe anankiray angamba isika rahampitso, mahita ny olona tonga eo amin'i Kristy, hitanareo. Ny olona anankiray mety nanontany tena hoe nahoana aho no tsy manao antso eny amin'ny alitara mihitsy. Miandry aho mandra-pitarika ahy hanao izany. Hitanareo?

³⁵⁰ Matoky aho fa ny tsirairay izay nanangana ny tànany, na nijoro, matoky aho fa ho any amin'ny fiangonana tsara ianareo rahampitso, maka ny toeranareo eo anivon'ny mpino.

³⁵¹ Raha mbola manondrika ny lohantsika isika, hangataka ny pasitera eto handroso, raha sitrany, ho an'ny famaranana. Andriamanitra hitahy anareo ankehitriny, miaraka amin'ny lohantsika sy ny fontsika miondrika eo anatrehan'Andriamanitra.



NY FEON'NY FAMANTARANA MAG64-0321E
(The Voice Of The Sign)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy hariva, 21 Marsa, 1964, tao amin'ny Denham Springs High School, tao Denham Springs, Louisiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2013 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org